



सानसेयारि 'बड'सा' खीरलाइयाव समाजयारि जिउजो लोख्वा थावाय रायथाय, खन्थाय, खल', खल'बाथा आरु दावबायारि थावनि, पाक बाइदिबि थायाव लिन्नाय लिन्बिदां दैथाय हर/ सानसेयारि 'बड'सा' खीरलाइया खेबखानाबे फोसावगोन।
बड'सायाव लिन्हरनायबि ठुबा खालाम, 'बड'सा' खी नोथां, जो बयबो आंगो खालाम।

सानसेयारि बड'सा मावखुनि
माइबं नोगार, जोहोलाव देमालु लामा
कक्राझार, बिटिसि-783370
Website: www.bodosanewspaper.com

BODOSA ★ A Bodo News Daily ★ Monday ★ 14 October, 2024 Kokrajhar, BTC, Assam ★ Vol.- 34, Issue No.196 R.N.I.Regd.No.40994/91, Assam Govt.Regd.No.IPRD.40/2006/3, ★ Rs.8/-

असमीया रावआ जारिमिनारि बिमुं मोन्नायखौ लानानै हाबाफारि खुंगोन

फैगौ 3 निफ्राय 9 नभेम्बरसिम 'राव गोग्गाथाव सप्ताह' खुंगोन: ड० हिमन्त बिश्व शर्मा

दिसपुर, 13 अक्टबर: क्लासिकेल राव महैर असमीया रावआ जारिमिनारि बिमुं मोन्नायखौ लानानै हाबाफारि खुंगोन थाखाय आसामआ फैगौ 3 नभेम्बरसिम 9 नभेम्बरसिम 'राव गोग्गाथाव सप्ताह' (भाषा गोरख सप्ताह) फालिगोन। गिबि मन्थि ड० हिमन्त बिश्व शर्माआ



(□ 6 बिलाइआव)

बिमा दुर्गानि मुसुखा फोजाव हरनायजो सरुपेटानि 99थि दुर्गा फुजा फोर्बोआ थुंगेबाय



भबानिपुर, 13 अक्टबर: भबानिपुर बियाबनि सिङ्गव थानाय सरुपेटानि दुर्गा मन्दिराव सानबानि हाबाफारिजो खुंजानाय 99 थि दुर्गा फुजा फोर्बोआ दिने थुंगेबाय। मख'नो गोनादि, दिने साननि समाव बिमा दुर्गानि मुसुखाखौ लानानै बिमा दुर्गा सिबियारि राइजो-राजाफोरि सरुपेट हाथायाव ढाक,

(□ 6 बिलाइआव)

गिबि मन्थि ड० हिमन्त बिश्व शर्माआ कक्राझाराव बिमा दुर्गानि सिबिथाय लाफैदों

आध्यात्मिक गोजोन्नाय मोन्दों: गिबि मन्थि

कक्राझार, 13 अक्टबर: कक्राझाराव गिबि खेबनि थाखाय बिमा दुर्गानि सिबिथाय लाफैदो आसामनि गिबि मन्थि ड० हिमन्त बिश्व शर्माआ दावबायफैदों। गिबि खेबनि थाखाय राइज्योनि गिबि मन्थिआ कक्राझाराव हारिसि बिमा दुर्गानि बोर लानो फेनायाव सिबियारिफोरनि गेजेराव रंजा-गोजोन् थासांरि सोमजिदों। शक्रु बारखालि फुनि 10:30 रिगायाव हेलेकप्यारजो

(□ 6 बिलाइआव)



चर्ना बाजाराव 64थि श्रीश्री लक्ष्मी फुजा खुंगोनो लाहार-फाहार

भबानिपुर, 13 अक्टबर: बाक्सा जिल्ला सालबारि महकुमानि सिङ्गव थानाय चर्ना बाजार आन्सलिक श्रीश्री लक्ष्मी मन्दिराव फैगौ 16 अक्टबरसिम 21 अक्टबरसिम 7 साननि गेदेर हाबाफारिजो 64 थि श्रीश्री लक्ष्मी (माइनाव) फुजा खुंगोन थाखाय लाहार-फाहार जादों 17 साननि

गेदेर हाबाफारियाव 16 अक्टबरखालि सानाव गाहाइ फिरफिलाखौ बिरहोनायजो लोगोसे गां 64 धोरोमारि फिरफिला बिरहोनाय, गोसोखां मान बावनाय, बिफां फुलि गायनाय, साखोन-सिखोन सिबिथाय हाबाफारि, मोनाबिलिनफ्राय

(□ 6 बिलाइआव)

बाबा सिद्दीकीनि बुथारनाय जाथाय मुम्बाइ पुलिसआ सानै दायनिगिरिफोरखौ हमबाय

गुवाहाटी, 13 अक्टबर: महाराष्ट्र बिधान सभा बिसायख'थिनि सिगानो मुम्बाइनि बान्द्राआव एनसिपिनि अजित पावार हान्जानि गागि दैदेनगिरि बाबा सिद्दीकीखौ दुथां

(□ 6 बिलाइआव)



सानसेयारि

बड'सा'

कक्राझाराव बिमा दुर्गानि मुसुखा फोजाव हरनाय हाबाफारिया गोजोने खुंजालांबाय

कक्राझार, 13 अक्टबर: राइज्योनि दाब-दाब जायगाजो लोगोसे बिमा दुर्गानि मुसुखाखौ फोजाव हरनाय फोर्बोआ सोलिबाय थानाय समावो कक्राझारावबो गौरां दैसानि अष्टमी गाथोनाव मुसुखाखौ फोजाव हरनाय हाबाफारि खुंदों। रोजा-रोजा सिबियारिफोरनि नुजाथि फेनायाव कक्राझारनि बर बाजार दुर्गा मन्दिरनि बिमा दुर्गानि मुसुखाखौ गिबियावो गौरां दैसायाव फोजाव हरनायखौ जागायजेनो। मख'नो गोनादि, कक्राझारनि गासै मोन



40 बिमा दुर्गानि मुसुखाखौ दिने गौरां दैसायाव फोजाव हरनाय जायो। लोगोसेनो खौरां सुजुनायसिमाव जाफुंसारे फोजाव

हरनाय हाबाफारिया खुंजादों। मख'नो गोनादि, बिमा दुर्गाखौ दिने फोजाव हरनाय

हाबाफारिखौ लानानै जायखि-जाया जात्रवथाय, जर'खा जाथाय सोमजिया बेनि थाखाय जिल्ला

आरो पुलिस खुंथाया माखासे नेमखान्थि फोसावना होदों। जेयव फोजाव हथा गाथोनफेयव पुलिस आरो खुंथायनि बिबानगिरिफोर नुजाथि फेनायनि अनगायैबो एसटिआरएफ हान्जाफोरखौबो सांग्राडै साखा-फारा जानानै थानायखौ नुनो मोन्नाय जादों। खौरां सुजुनाय सिमाव जिल्लानि जायखि-जाया जायगायाव जात्रवथाय जाथाय सोमजियायनि खौरां मोन्नाय जायाखै आरो फोजाव हरनाय हाबाफारिया गोजोने खुंजालांबाये।

रुपही, आनान्द बाजार, निमुवा, गर्बधना बायदि जायगायाव खुंनाय बिमा दुर्गानि मुसुखाखौ फोजाव हरबाय

सालबारि, 13 अक्टबर: राइज्योनि गुबुन गुबुन ओन्सोलजो लोगोसे बाक्सा जिल्ला सालबारि महकुमायावबो दुर्गानि दुर्गा फुजा फोर्बोआ दिने थुंगेबाय। दिने बिजया दशमीनि समाव दोरोडारि नेमखान्थिजो फुजा सिबिथाय बावनां बिमा दुर्गानि मुसुखा सिबियारिफोर बिदाय होबाय। सालबारिनि 72 थि रुपही सर्बजनीन दुर्गा फुजा बान्जाय आफादआ रंजा-बाजा गोसो बोनो हनाय महैर रुपही दैसायाव बिमा दुर्गा देबीनि



मुसुखाखौ फोजाव हरनायजो लोगोसे आनान्द बाजार दुर्गा फुजा बान्जाय आफाद, पाटला दुर्गा फुजा आफाद, निमुवा दुर्गा फुजा आफादफोरारबो रंजा-गोजोन् थुलुंगाखांनयनि गेजेरजो

बिमा दुर्गा देबीखौ रुपही

(□ 6 बिलाइआव)

भबानिपुर, 13 अक्टबर: बिजया दशमीनि समाव दिने मेधीकुसि नाव गेलेनाय सामलाय आफादिनि बान्जायनायाव बजालिनि मेम्बरघाटयाव पहुमार दैसायाव खुं'बोजानाय नाव गेलेनाय बादायलायनायखौ जोंगा-मागायै खुंनाय जादों। मख'नो गोनादि, मेधीकुसि नाव गेलेनाय सामलाय आफादिनि बान्जायनायाव बिजया



दशमीखालि पहुमार दैसायाव हरनायनि उनावनो बेलासिनि बिमा दुर्गानि मुसुखाखौ फोजाव

(□ 6 बिलाइआव)

चिरांनि बासुगावयाव गंथाम दुर्गा फुजा मन्डपयाव गिबि मन्थि ड० शर्माआ दावबायफैदों

बासुगाव, 13 अक्टबर: दुर्गा फुजानि महाअष्टमीखालि चिरां जिल्लानि सिङ्गव थानाय बासुगाव सोहोरनि दुर्गा फुजा मन्डपफोराव आसामनि गिबि मन्थि ड० हिमन्त बिश्व शर्माआ दावबायफैदों। सोहोरनि जारिमिनाव गिबि खेब थांनाय शक्रुबारखालि राइज्योनि सासे गिबि मन्थिआ गंथाम दुर्गा फुजा मन्डपयाव दावबायनाय नायसंफेनायखौ लानानै फुजा आफादफोरजो लोगोसे बासुगावनि थागिरि राइजो-राजाफोरनि गेजेराव गोजोन् थुलुंगा खांनयखौ नुनो मोन्नाय जादों। बासुगाव सोहोरनि दुर्गा



फु जायाव गिबि मन्थिनि दावबायनाय समाव गोखों रैखाथि रहा लानायखौबो नुनो मोन्नाय जायो। मख'नो गोनादि, कक्राझारवबो माखासे दुर्गा फुजा खुं'नाय मन्डपफोराव दावबायफेना नायसंफेनायखौ फोजोबनानै थोंजोडै बासुगाव सोहोराव फेना गिबि मन्थि ड०

शर्माआ गिबियावबो थाना रड, तुरिबारि, दुर्गाफुजा मन्डपयाव फुजा सिबिथाय लायो। बेनि उनाव नैजौ बोसोराव आगान होनाय राजा साननि जारिमानारि बासुगाव बरवारी दुर्गा फुजा मन्डपयावबो बिटिसिनि गाहाइ मावफुं सोद्रोमा प्रमद बर'खो लोगोसे लानानै फुजा सिबिथाय

बावयो। बेनि उनाव बासुगाव बिटिसि रड सर्बजनीन दुर्गा फुजा मन्डपयाव फेनां बिमा देवी दुर्गानि बोखौ लानानै बडइगाव

(□ 6 बिलाइआव)

राइज्योआव रुइदोब गोहो गोखैथिनि बांग्रि मावदों

गुवाहाटी, 13 अक्टबर: आसामयाव दिने रबिबारखालि बांग्रि मावनायनि मोन्दांथिनाय जादों। मख'नो गोनादि, दिने फुनि 7 रिगा 47 मिनिट 33 सेकेन्डयाव बांग्रि मावनायनि मोन्दांथियो। माहारियारि बांग्रि मावनाय बिगियान मिरुनि फोरमायथाय बायदिदै, बांग्रि मावनायनि गोहो गोखैथिखौ 4.2 रिक्टर स्केलयाव मोन्नाय जादों। बांग्रि मावनाय गाहाइ मिरुआ उदालगुरि जिल्लायाव सोमजिदों होन्ना मिबथिनो मोन्नाय जादों। बांग्रि मावनाया जायगानि 15 कि:मि: हा सिङ्गव सोमजिदों मोन। लोगोसेनो बांग्रि मावनायाव जेबो ख'हा जानायनि खौरां मोन्नाय जायाखै।

भबानिपुराव श्रीमन्त शंकरदेबनि जोनोम सान फालिदों

भबानिपुर, 13 अक्टबर: भबानिपुरनि नहाटि नामघराव गोसो बोनो हनाय हाबाफारिजो महापुरुष श्रीमन्त शंकरदेबनि जोनोम सान फालिनाय जादों। मख'नो गोनादि, नहाटि नामघराव थांनाय 11 अक्टबरसिम सानथाम नाडै खुं'नाय श्रीमन्त शंकरदेबनि जोनोम सानआ दिने थुंगेबाय। मैया शनिबारखालि सानसेनि हाबाफारियाव फुं समाव उषा कीर्टन, धोरोमारि दे'खो दामनायजो दावबायनाय खुं'नाय जादों। साननि समाव हाबाफारि बायदिदै धोरोमारि फिरफिला बिरहोनायनि उनावो भबानिपुर ओन्सोलयाव भागबट लानानै नाम कीर्टनजो धोरोमारि हारिसु



लामा हान्जा सुनाय हाबाफारि खुंदों। लोगोसेनो नाम आर'ज, श्रीमन्त शंकरदेबनि सोरजिनायनि बिथायाव जायगायावो लिस्नाय

रन्साय बादायलायनाय खुं'नाय जायो। बेलासियाव बान्जाय आफादिनि आफादिगिरि मनुयम तालुकदारनि आफादिगिरि मासि

सामलायनायाव खुं'नाय गेवलां मेलयाव श्रीमन्त शंकरदेबनि जिउ जारिमिन आरो खामानि

(□ 6 बिलाइआव)

सुजुगिरिनि खोलोम

ना-साम'खांखाइ

सिगां समक्राव हाख र-हाला, गरखायनिफ्राय लानानै दैमा-दैसा, बिलो, फुखि, जाम्फे, दुब्लि जेरावबो दै थानायमोन। जेराव दै गाखोया बेफोरबादि हायावबो फिसा-गिदित बान्दो थेनानै दै सोनानै आबादिनि थाखाय गहाम खालामनानै लानायमोन। बेफोरबादि ओन्सोलावनो ना-साम', खांखायनि आंखाल नुजायामोन। मोनफ्रोम दै थानाय हाख र-गरखाय, दैसा, जाम्फे बिलो आरु ओरेनो बोहेलांगारनाय दैफ्रावबो ना-साम'-खांखायनि आंखाल नुजायामोन। खालिबोल' गोनांथि जायोमोन हमनानै लाबोनायनि। ना हमनो थाखायबो गोदो-गोदायनिफ्राय बाहायनानै फेनाय सेन, खखा, खाखि, जेखाइ, पल' फोरजोनों सानानै हमनानै सल, बालि, नासाइ, बोथिया, सिंगि-मगुर, थुरि-बामि, फिथिखि-मावया ना एगे-बेग्रे मोनाना आरु मोनजानायनि बोथोरा माबा लांखायवनो गोमालांवाय। आथिखालाव दैसे टाउन-सहर, हाथाय-बाजारवा दाब-दाब राइज्यो आरु बिलोफोरनिफ्राय लाबोनाय नाफोरजोनों ना ओंख्रिनि आइटेमखी फोलोमनांगी जानानै फेयो। सुबुं देहानि थाखाय नानि गोनांथियाबो एसेल' नइ। नाथाय मोनानांगीयोसा गोब्राव जानानै फेबाय। नानि आंखाल फोलोमनो राइज्योवाय बोसोरे बोसोर गुबुन गुबुन राइज्योनिफ्राय लाबोनाय नानि आंखालखी फोलोम फेनाय जायो होनानै मिबधि मोनो।

ना-साम'-खांखाय गोमालानायनि जाहोन एबा जोबनानै थोक्ले-माक्ले जानायनि गुदिखी गोबाखनो बाइदिंसिना जाहोन आरु बिजाउन होनानै फोरमायबोदों। बेफोरनो जाहेवाय दैसा-जाम्फे, बिलो, हाख र-हालाफ्रा लासैये सानफा-एफा खोखांवनानै दै थायै जानाय आरु बिलो बेहेर बारिफ्रा गोमालानायजो लोगोसे बेफोरनि बांसिनो दइबलाबो दै गैथै थायै जानानै फेनाय। दै गैयाब्ला ना-साम'-खांखायफ्रा बबेनिफ्राय थाफेनो आरु बोरि फोलेर एरनो। फार्सिंथि मिथिगा बिखायाव सिगांनि बादि अखादैजों आवुं जानानै थालिया। दैज्जां बोथोराव अखा हानानै थानाय दैयाबो दैज्जां बारनाय लोगो-लोगोनो राननानै गोरोन जालाडे।

गुबुन मोनसे जाहोनखी दैज्जां हाबनाय लोगो लोगो अखा हादैनि जावरिनारनायजो जेराव बिलो, दैसा-जाम्फेफोर दै बेफोर दैसा बिलोफ्राव फुवान होनाय ना आरु बिदै गोनां नाफोरखी गोबो जेजों बोखानाय आरु मुलि-बिषो होनानै हमनायाव नानि जोलै एरनायाव हेंथा फेनायखायनो ना-साम' खांखायनि बिबाडा सानफा-एफाथैनो बाडय जाबोनाय आंखालनि महर लाफेदों।

मिथिगा बिखाया बिफां-लाइफा, हाप्रा-बंग्राजों थाजिम सोमखे महेर थायोक्लासो अखा-बांखा हानाय आरु बैसोमुथि बिखाया थाजिमै-थानो हागोन। अब्लासो दैसा, बिलो हाख र, हाला, जाम्फेफ्रावबो दै बोहेगोन-ना साम', खांखाय आरिफ्राबो दैयाव थानानैनो फोलेर एरहोनानायनि खाबु मोनगोन अब्लासो फाफ्रोम बिथिनि थाथाया सरासन्नायाव फेनिफोनोन। ना-साम'-खांखायनि आंखालखीबो एफा-एनैथै फोलोमनानायनि लामा मोनफिनायनि राहा थाहैगोन।

दिनैनि फान्जामुथि

राशि बाइदियै मुंनि गिबि हांखो

मेघ : अ ल वृष : ऊ ब (उ ए इ) मिथुन : क छ (ङ घ) कर्कट : ड ह सिंह : म ट कन्या : प ठ (ण ष) तुला : त र बृश्चिक : ब न धनु : ध भ (ढ फ) मकर : ख ज कुम्भ : ग श (स) मीन : द च (ख ज झ)

मेघ: जेबो जेंना गैथै सुखुखी मोनो हागोन। फारफ्रोमथिबो मोजा।

वृष: जेंना थानायफोर जोबसांलांगोन। गोजोन्यायखी मोनो हागोन। मोजां सम।

मिथुन: गोसोआव माबाफोर दुखु मोनो हागो। जेखि-जाया गोसोखी हथ्या।

कर्कट: जैरेबो देहासार जानायखी मोनो हागोन। गोजोनै सम बारहोनो हागोन। मोजां सान।

सिंह: खेला गेलेग्राफोरनि थाखाय मोजां सम। बादायनायाव मुदांखा जानो हागोन। गोजोन मोनगोन।

कन्या: लोगोनिफ्राय माबाफोर मुवा-बेसाद मोनो हागो। मुलाफ्रा जागोन।

तुला: नख रनि थाखाय जिगा सिनांगोआ जोबनाय नइ। गोजोन्याय गैथैजों सम बारहोनांगोन।

बृश्चिक: मान-सनमान थानाया गोमालानो हागो। जैरेबो सांयां जानांगोन।

धनु: बेफोर फालांगिआव रांखावरि मुलाम्फा मोनो हागोन। फालांगिरि मावग्रानि थाखाय मोजां सम।

मकर: सान्नाय-हनाय गार्सेबो फेलें थानो हागो। गोसोखी हथयाना था।

कुम्भ: मोजां हाबा मावनानै मुदांखा जानो हागोन। बयजोंबो बाखाय जानो मोनगोन।

मीन: जैरेबो रंजा-बाजा खालामनानै सम बारहोनो हागोन। फारफ्रोमथिबो मोजां।

सुंद'सल' तेमना मुसाहारि-

हेल' तेमना

ए बाजै तेमनाया न'आव दना गैया, तेमना बिबाजैआ लामानि लांगोनायाव थानानै गुरे रावजों फिन हरो ए माथो, नमिट मोनसोलाइ फे तेमनाया न'आवनो दं न'आवनो माबोर सानसे गहाम जनानै थानो हायोब्रा जोंखोलाइ माथो दसे जनानै थानो हाये, नॉनि मासिआवनो एम्फो दइ खोमालै अरदावबाय थायो। थोद जामबालाइ। नॉसोर मा तेमना बांसिन न' सिंनिफ्राय ओंखार बायो आरु नमिट आरु बुन्दुरामखी गावनि रुमाव लानानै थाडे। दसेनि उनाव तेमना बिबाजैआ साहा लानानै रुमाव हाबफैयो आरु बुडे। नमिट माथो दासो दिनेसो नइलै बाजै तेमना बिबाजैआ बुडे माबाफोर खौर दइ नामा ? नमिट फिन बुंफिनो माबालै बाजै गाबोननिफ्राय तिउसन दइकक्राइर नाराबार हिन्जावसा गोजा फरायसालियाव बेखीनो खौर होनो फेदों। मानि ? बिगियान खौरानिले बाजै। दे बिदिब्ला रायज्याय आंहा गोबां खामानि दइ, बिदि बुनानै तेमना बिबाजैआ ओंखार लाडे। तेमना नमिट आरु बुन्दुराम मोनहा मोनसे थाखोनिनो फरायसा बिसोर साथामबो कक्राइर हायार सेकेण्डारी स्कुलाव जि थाखोआव फरायो। साथामबो खि एरख'लायग्रा लोमो बिसोर फरायनायाव, मिथिं दार्वथि जेरावबो ज'भ' गिदिडे। फरायसा हिसाबै बिसोर जेरावबो बाहागो लायो बिनिखायनो साहसआबो गोरा। साथामबो बिसोर फरायनायनि सोमोन्दे बाश्रा रायज्यायो बिनि उनाव तेमनाया नमिटनाव सोडे फरायसाफोरायाव साबसे जाखो ना जों साथामल' जोल' नडालै हिन्जावसाफोरबो।

तेमनाया हिन्जावफोरबो ओंलै हिन्जावफोराबो मालाय हिन्जावफोरासो सिगां सोंघ्रोदोंनोलै बिनि खायनो बिसोरजोंसो ज' फोरडोनेओ आथिकालनि फोरोंगिरिनोसे बोराया जेरें गांसो गोरलै नागिरो बिसोरनोबो लाइक बिबदिनो। नमिट, बे दाबो जेबो नइ जागोन जोल' थिखजा। थिक बे समावनो तेमना बिबाजैआ रुमाव हाबफैफिनो आरु नमिट आरु बुन्दुरामखी ओंखारो जानानै थानो हययो। बे समावनो नमिटआ बुंथेना होयो नाड बाडे माब्लाबा जागोन दिने नइ आरु दिने बाजारनाथोनांगी दं। तेमना बिबाजैआ अखा खालामासै। नमिट आरु बुन्दुराम मोनहा तेमनानि नख'रखी माथो होभोनानै बिदाय लानानै बाजार फारसे ओंखारबोयो सानैजों। लामाजों गोबां मानसि साइकेल सालायनाय तेला गारि नारनाय बायदिजों बुंफनाय, दसेनि उनाव बाजार मोनबाय। बाजारवा बिसोरि माबा-माबि लानानै दसे बेरायदिडो बिनिफ्राय बिसोर, न' फारसे आगान सुरो। मानोना नमिट आरु बुन्दुराम मोनहा तिउसननि सोमोन्दे रायज्याय बोगासिनो दं। थिक बे समावनो बुन्दुरामा बुडे- नमिट तिउसन लानानैल' जाया न'आव एसेबो सिताडे खालामब्ला माइरं गैया। आथिकाल बर' थुनलाइ आफादआव मेट्रिक आन्जादआव जायनो बांसिन मोजां नन्बर मोनानै जुदि बर' थुनलाइआवबो बांसिन नन्बर मोनोब्ला बेनो बर' थुनलाइ आफादआ गार्से दाखानाय बिलाइजों लोगोसे 10,000 रं बांथा होयोनो। बे बांथाखी जोंखी लानो नाजा नांगोन। बे बायदि रायज्यायै-रायज्यायै माब्लादि न' फारसे मोनहै खो आन्दासआनो गैया। दानिया बिसोरबो गावबा-गाव गावसानानै न' फारसे थाडे। दिने रबिबारिनि साना बाबेनलाडे। अखानायै बुन्दुरामा फुंआवनो सिखारना हाथाय आरु मोखां सुयो। सुखानायनि उनाव बिथो दसे बिजाब फरायो, सभा माब्लाबोनो 8.00 बाजिबाय थि बे समावनो नमिट बुन्दुरामखी गाबजियो। गाबजिनारखी खोनानै हाब्रांआ गावनि बिजाबखी लानानै साइकेल सालायो। मानोना दिने फुनि 8.30 बाजिबाय तिउसना जागोन। थि 8-15 बाजियाव तेमनाया बुन्दुराम आरु नमिटखी सिलायव नेगासिनो दइ। जों फरायसालि मोनहैनानायनि सिगां माब्लाबानो जोंजों लाफोनो गोनां हिन्जावसाफोरा। दंफे खायो गार्सेबो फरायसाफोरनो फोरोंजानो थाखाय मोजां रुम बांसिनानै लादों। बे रुम नागिरनाय समाव मोनसे खथायाव तेमना आरु नमिता मुंनि सासे लाइमोन बैसोनि सिख्ताजों सौरावलायदों। नमिताया आखाइयाव लानाय बिजाबफोरा हायाव गोरलैयो। सानैबो बिजाबखी खन्याय समावनो फोरोंगिरिया फे यो। गार्सेबो रुमाव हाबजोबो। जाजेननायनिफ्रायनो नमिताया तेमनाखी मिज्जै-मिज्जै नायहरदों-नायहरदों तेमनायाबो बिखी नायहरदिनदों। फोरोंनायाव गोसोआनो गैया दिने बिसोर सानैआ बोहैआ नाथाय नमिता आरु तेमनाखी नोजेर होखाडे मानोना बिथो बुंखादों बै समाव दिने तिउसन जोबबाय। बिबदिनो दिनेबो नायज्यायो गाबोनबो नायज्यायो तेमनाया नमिताखी सानसे नुवाब्लानो माबा गोमानाय बायदि माबोरि बिनो लाइजाम हरग्रोनो ओजोंहाय बिथो नमिट आरु बुन्दुरामखी लाजिजों बिबाजैजोंबो मिथि जानो गिदों मानोना बिबाजैया बिखी जोबोद नोजेर होखायो तेमनाया जानाय जाथायखी नमिट मोनहा मिथियाखै मानोना खोरोमाबो खोन्थायाखै रावनोबो खालि नमिटआल' मिबधिगो। थानो हाथेरिआव तेमनाया बुन्दुरामखी बै जाथाय जानायखी खोनयो आरु बुडे लाइजामखी नें नमितायो होथार नांगोन होन्नानै बुन्दुरामाबो बुडे जागोन दे आं नाजागोन। तेमनाया हराव गोबां बार लिरदों आरु जायँ बायदि मोन्नानै दानफिनदोंबो। जोबथारनायाव बिथो लाइजामखी लिरदों नमिटानिसिम आर्मि नायग्रोम लांगोना: आंनि आन्जावि बिनानाव लाइजामनि गिबि-गिबि नॉ बिनानावनिसिम खासि बिबारफोर बायदि गुफुर बिलाइयाव खोमसि खथायाव गंसे मोलेले गाबनि खालिजों लिरनाय लाइजाम लोगोसे नॉनि आपेल फिथाय बायदि खवलायाव खनसे खुदुमनाय थाबाय लोगोसे इसोरनि अननायाव दासादं मोजाडेनो दइ जानांगो ? नमिता मा खालामनो नॉनि बै लाइमोन बैसोआ खालामबाय ओंखी बोरमा। दिने आं नोंखी जानाय लोनाय समाव गोसो खांबाय थायो। फरायो आं बिजाब नाथाय हांखोनि बदलै जाखोफेयो नमिता नॉनि महरासो साया-माया हरावबो उन्दुलांनो हाया। आंदि नोंखी बेसेबांभा मोजां मोनो नुजेननायनिफ्रायनो गोसो गोबांजों। हानाय नइ आं नोंखी वावनो बे जोनोमानाव थैथाब्ला। नाथाय बिनानाव नों बे बिथिडव आंखी मा सानो राजि जागोन्दा नों आंजों। जायाब्ला निमाहा गैथै दायनि थाखाय निमाहा बिखानाय थायो नमिता। जायोब्ला थार फिनखी गोखे हर नमिता। आं नोंखी मोजां मोनो नमिता।

दिने बारागोलाव खालामला हराबो थौबाय। गोजानायबो बोथोर, आखाइयाबो रुयहाबबाय लिरनोबो बाबाय दिने बेवहायनो फोजेबबाय। जायोब्ला:- नॉनि तेमना मुसाहारि-

तेमनाया गिबांसिन लाइजामखी लिरखानानै सोबाव खामाव बिथो गाबोननि तिउसनाव बुन्दुरामनो हागोन थाथिया दिने तेमनानि बेनोल' गोसोआव सान्दोंबो होनो हागोना हाया। तिउसनाव तेमनाया बुन्दुरामनो होबाय लाइजामखी। नाथाय नमिता दैसो मिथिजोबाय तेमनानि जाथायफोरखी। नमिताआ बिबोर सानैखी रागा जोंफलाडे खिन्थायैआव दानिया बुन्दुरामा गंसे बिजाब गलायाव नमितामोनखी लोमो हमदों मानोना दखनाव होयोब्ला मानसिफोरा आन्दासमोना। बुन्दुरामा लाइजामखी आजावयो आरु सोडे- सोरनि होन्नानै ? बुन्दुरामा फिनो तेमनानि होन्नानै। दिने तिउसनाव तेमना आरु नमिताया लाजिलायदों नायलाय हरफिनलायाखै तेमनाया सानदों आंखीबा लागोन्ना लाया ओजोंहाय नमितायाबो गिदों लाइजामावबा तेमनाया मा लिरदों गोसोआ सानैबो थिउसनाव गैया। नमिताया तिउसनखी माब्ला गगोन जादों। थानो हाथारला बारा बारा। दसेनि उनाव गयो। नमिताया माब्ला न' मोनहैनानै लाइजामखी फरायनो मोनगोन जादों बिथो दिने लोगोफोरखीनो बावगोमालांनो। बिथो न'आव बिजाब दोनस्ताव लायाखेसै सिगां लाइजामखीसो नायग्रयो। लाइजामखी फरायखानानै बिथो जोबोर गोजोन्याय मोनदों। बिथो गावखीनो सोरोगोआवना फातालाव दं आन्दास गैया। बिबदिनो नमितायाबो तेमनायो फिन हरफिनबाय तेमनायाबो दिने जोबोर दुगा। बिबोरनि मोजां मोनलायनाया जुजायनि अरखि बायदि दुफु-दुफु खामलादों। दिने तेमनाया नमितायाबो तेमनानि सेराव थानो मोनान्ना सुखुआ मोनग्रा जाबाय। नाथाय दिने नमिताजों तेमनाया जों मोजां मोनलाइदोंब्लाबो नमितानि गांनायखी तेमनाया सुफुनो हायाखै। फुजा गान सिनिमा, मिथिं-दार्वथे जेरावबो जरा-जरा बिसोर सानैआ जुदि बिसोरनि मोजां मोनलायनायखी सोरबा हेंथा होयोब्ला जे बिसोर थैलायगोन। दिने बिसोरनि मोजां मोनलाइनायखी मा बुंनो बुहुमावनो गैया। ओजों हाया बुन्दुरामाबो नमिताखी सिंजों सिं जोबोत मोजां मोनखुमानानै दइ। बुंनो हायैआवसो दइ। नुनायाव नमिताया प्रिति जिन्ता बायदि। संत्राफ्रा नुयोब्ला जायो सिन्था मोननो लुबैनानै। बुन्दुरामाबो नुनायाव फिल्मनि एक्टर अर्जुन रामफल बायदि नुयो। दिने बुन्दुरामा नमितानि थाखाय फाग्ला जाबाय। हरबाय बिबो लाइजाम नमितानि हिन्जावफोरनि गोसो मोदायाबो हमनो हाया। बिथो थार मोजां मोनबाय बुन्दुरामखीबो सानसे खालि तेमना मोनिनि गामियाव नमिट बिदिनि हाबा बे हाबायाव नमिताया बुन्दुरामजों खोमसि खनायाव माबा रायज्यायखुमानायखी तेमनाया नुदों जाहोनाव तेमनाया रागा। नमिताया तेमनाखी गारहां-गारहां जाबाय दानिया नमिताआसो जाबाय सानैनिबो सुथुर। नमिताआ बुन्दुरामजों लोमो जाब्ला तेमनाया रागा जोडे आरु तेमनाजों लोमो जायोब्ला बुन्दुरामा रागा जोडे। जाबाय दिने तेमनाया जौ फाग्ला गोदाव सोराव। बे जोनोमाव जौनि एम्फो। मदाफि बुन्दुरामा नमिताजों दाय खालामना खारबाय दिने नमिताया बेकार। बिथो बै लेथोआव गंनै नाव जावदंमोन। जायनो नायनो फैयो बेनो नमिताखी बांसिनानै गालाडे। तेमनाया लाभनि केन्सार बेरामाव हाबानानै दिने जौनि एम्फो। नमिताया मानसिफोरनि बांसिनायाव लाजि मोनानै फासि नांन थैयो।

सिरियाआव आइएसनि देरसिन केम्पाव आमेरिकान सान्थिआ गाग्लोबदों



वाशिंटन, 13 अक्टवर: आमेरिकान सान्थिआ सिरियाआव इस्लामिक स्टेट (आइएस)नि केम्पफोराव बमाजों गाग्लोबो। इउएस सेन्ट्रल कामान्डआ बेनि खौरं होदों। आमेरिकानि सान्थिआ शनिबारआव मोनसे फिन्नायाव बुंदों मोनदि, आमेरिकान सान्थिआ आ बे सप्ताहनि जागायजेननायाव सिरियानि आइएसनि केम्पफोराव उरांजों गाग्लोबदों। अदेबानि बेयाव गावसिनि खहा जानायनि आबु खौरं होयाखेमोन आरु थाबैनो उरांजों गाग्लोबनायखी जागायो। गाजायाव इज्राइल सान्थिनि

टेक आ हा सायाव गाग्लोब गार्सिनो। शनिबारखालि गाजानायाव इज्राइल सान्थिनि गाग्लोबनायाव खमेबो सा 29 फिलिस्तानीपोरनि जिउ गोमार्दों। फार्सिंथि इन्डरसेनेल रेहाय एजेन्सिफोरनि बुंनय बायदिब्ला, रोजा-रोजा सुबुंफोरा राहा गोथेना दइ। थागिबिफोरा बुंदेंदि, इज्राइल सान्थिआ एन्क्ले थनि फिन्नायाव बिसोरनि जांरिमिनारि रिफिउजि केम्पफोरनि गेजेराव बयनिखुइबो देरसिन जाबिलयाय केम्पआव हा आरु

अखां मोनैबो सान्थि हान्जाया गाग्लोबो। गाजायाव हरसेमानि गाग्लोबनायाव सा 19 सुबुंफोरा जिउ गोमायो आरु अखानायै शनिबार मोनाबिलियाव आरोबाव सा 10 सुबुंफोरा जिउ गोमाबावो। इज्राइलआ जबाबिलयाआव नख 'रैने आरु गेजेर गाजायाव नुसिरत केम्पआव गाग्लोबनायाव बिसोरनि जिउ गोमायो। खौरनि बायदिब्ला, शनिबारखालि टेकजों गाग्लोबनाय, हा-सा सान्थिनि गाग्लोबनाय आरु उरांजों गाग्लोबनायाव सा 20 नि बांसिन आइएसनि सोद्रोमाफोरा थैयो। इज्राइल सान्थिआ गार्से गाजा पट्टिआव अपारेशन सालायगासिनो।

अप्प'आ अप्प' के 12 प्लास मुंनि स्मार्टफन लन्च खालामबाय



गोदान दिल्ली, 13 अक्टवर: अप्प'आ गावनि के सिरिजनि गेजेरजों चाइनायाव मोनसे गोदान स्मार्टफन लन्च खालामो। अप्प' के 12 प्लास मुंनि गोदानै लाबोनाय फनआव पावारनि थाखाय फास्ट चार्जि सापर्ट गोनां गिदिर बेटारि आरु एमलेड डिस्प्ले बायदि बेरायटिस होफानाय जादों। बेयाव डायमन्ड शक-अब्जाबि स्टक्सर आरु सिक्युरिटीखी बांहोनानायनि थाखाय एयार बेग डिजाइन दइ। फनखी शक-

अब्जाबि डिजाइनजों लोगोसे लाबोदों आरु 300,000 बाटन प्रेस टेस्ट, 20,000 इउएसबि प्लाग-इन टेस्ट आरु 7.38 मिलियन स्क्रीन अन आरु अफ टेस्ट लानानै फेदों। बेयाव आल्ट्रा नेर' चिनजों लोगोसे 120 हार्टज रिफ्रेश रेटखी सापर्ट खालामगा एमलेड डिस्प्ले होनाय जादों। बेसाल्ट ब्लेक आरु सन पिक हवाइट कार्ल्सआव बे फनखी लाबोदों। पावार सापर्टनि थाखाय 6,400 एमएससनि हागोन।

भारत मबिलिटी 2025 आव मारुतिनिफ्राय लानानै गोबां गारि कम्पानीफोरा इभि लानानै फैनो थियारि


भारत मबिलिटी 2025 आव हादतनाडे गारि बानायग्रा कम्पनीफोरा गावसिनि गारिखी साबसिनै बानायगोन। फेगो जानुवारीयाव जानो गोनां बे हाबाफारियाव गोबां गारिफोरखी लन्च खालामगोन आरु दिन्तिनाय जागोन। रिपर्टनि बायदिब्ला, भारतनि गाहाइ गारि हिदुनग्रा मारुतिआ भारत मबिलिटी 2025 आव गावनि गिबि इभि महरै इभिएक्सखी लन्च खालामगोन। फेगो बोसोरनि 17 जानुवारीयाव कम्पानीआ बे इलेक्ट्रिक लन्च खालामगोन। 2023 नि अट' एक्सप'नि समाव कम्पानीआ बेनि कन्सेप्ट बाजर्नखी लाबोखांबाय। जायनि उनाव फेब्रुवारी 2024 आव जालानाय भारत मबिलिटीनि गिरि इडिसनखीबो दिन्थिदोंमोन। साउट करियन गारि बानायग्रा किआनि फार्सेनिफ्रायबो भारत



इभि भाजर्नखी भारत मबिलिटि 2025 आव लाबोनो हागो। बेजों लोगोसे कम्पानीआ मोनसेबाव इभिखी बेयाव दिन्थिनो हागो। आथिखालाव महिन्द्रनिफ्राय इभि महरै मोनसेल' आसन एक्सइडभि 400 इभिखी फान्ने दिहुन्नाय जादों। नाथाय फेगो जानुवारीआव जानो गोनां भारत मबिलिटीनि समाव कम्पानीआ मोनसेनि बांसिन इभिखी लाबोनो हागो। बे समाव कम्पानीआ एक्सइडभि 700 नि इलेक्ट्रिक भाजर्न एक्सइडभि.08 खीबो लाबोनो हागो। महिन्द्रनि अनगायै टाटायाबो भारतीय बाजारआव माखासे साबसिन गारिफोरखी अफार होनो हागो।

मन्त्रि राजनाथ सिंआ मोन 75 बिथांखिफोरखौ बेखेवना होबाय

गोदान दिल्ली, 13 अक्टूबर: मिरुनि रैखाथि मन्त्रि राजनाथ सिंआ शनिबारआव 2,236 कौटि बेसेननि सिमना लामा आफाद (बिआरअ)नि 75 गुदिबिथा बिथांखिफोरखौ भाचुंयैलि खुफुनाय हाबाफारिनि गेजेरजों बेखेवना होयो। बे बिथांखिफोरगव मोन 22 लामा, दों 51 दालां आरो गुबुन बिथांखिफोरबो दंफायो। हादतनि दर 11 राइज्यो आरो मिरुजों खुंजानाय राइज्योफोरगव बेफोर बिथांखिआ मावफुंजागोन। मख'जाथावदि, जम्मु-काश्मीरनि मोन 19 बिथांखि, अरुणाचल प्रदेशनि मोन 18, लादाकनि मोन 11, उतराखान्डनि मोन 9, सिक्किमनि मोन 6, हिमाचल प्रदेशनि मोन 5, सोनाब बूंग आरो राजस्ताननि 1-1 आरो नागालेन्ड, मिजoram, आन्डामान आरो निकबर द्विप हान्जानि मोन 1-1 बिथांखिफोर बेयाव दडः। मिरुनि रैखाथि मन्त्रिआ सोनाब बंगनि सुकनायाव त्रिशक्ति करनि मावख'निप्राय बेफोर बिथांखिफोरखौ बेखेवना होयो। बेयो जवाहरलाल नेहरु र'ड आरो



ताल्लुक र'डनि गेजेरगव मोनसे मख'जाथाव फोनांजाब महरै खामानि मावगोन। बिबुंथिाव मन्त्रि सिंहआ बुडोदि, बेफोर बिथांखिजों सिमनाजों नांजावनाय गुदिबिथाफोरखौ गोखों खालामनाय आरो बेफोर ओन्सोलनि समाजारि-रांखाथिआरि जोगाखानायखौ रोखा खालामनायनि थाखाय सरकारनि गोखों नोजेर एवा बिबान मावफुंजायनि फोरमान होना बुडो। बेनि अनगायै बिथाडा बुंवावोदि, बेफोर बिथांखिआ हादतनि रैखाथिखौ बांहोनायाव माइल खुन्थिया फोरमान जागोन। गाहाइ मन्त्रि नरेन्द्र मदिनि 2047 सिमाव

'जोगाखां भारत' दानायनि सिमांखौ बेबायदि, गुदि बिथा गोनां बिथांखिफोरनि गेजेरजों जाफुंहोना हागौ। बेफोर मोन 75 बिथांखिफोरखौ बेखेवनायजों लोगोसे बिआरअआ 2024 आव 3,751 कौट रं बाहायनानै गासै मोन 111 गुदि बिथा बिथांखिफोरखौ मावफुंदों। बेफोरनि अनगायै रैखाथि मन्त्रि राजनाथ सिंआ बिजयादशमिनि खाबुआव सोनाब बंगआव सान्थिनि एककर मावख'आव रास्त्र पुजा खालामो। एक्साव बिथाडा बुदों, भारतआव बिजयादशमिनि खाबुआव हाथियार फुजा खालामनायनि मोनसे गोजाम आसा-खाथि दंबावो।

बाबा सिद्धिकीखौ बुथारनायाव राहुल गान्धीआ शिन्दे सरकारनि सायाव थांखिदों

गोदान दिल्ली, 13 अक्टूबर: मुम्बाइआव बान्द्रा इस्ट ओन्सोलाव शनिबारखालि सिनायमोनै गाग्लोबग्राफोरा राष्ट्रबादि कंग्रेस पार्टी (रकांपा) नि दैदेनगिरि आरो महाराष्ट्रनि बारग' मन्त्रि बाबा सिद्धिकीखौ गुलि गावना बुथारदोंमोन। बेनि उनाव राजखन्थियारि दोहौ सोमजिखोंदों। बेरेखा दोलोआ महाराष्ट्रनि आइन बेबस्थानि सायाव सौंथि खालामना एकनाथ शिन्दे सरकारखौ बेंखन्दों। कंग्रेसनि बारग' आफादगिरि राहुल गान्धीआ बाबा सिद्धिकीनि थैनायखौ जिंगा फोरमायना महाराष्ट्र सरकारनि सायाव सौंथि खालामो। राहुलआ बुदोंदि, बाबा सिद्धिकीनि दुखु गोनाडै थैनाया सोमोनांथाव आरो दुख नांथाव। बे गोन्नाब समाव बिथांनि नख'रजों दाहानि समाव लोगोसे दड होना गान्धीआ महाराष्ट्रनि आइन-बेबस्थानि आबुं गावसनायखौ सोराडाव लाबोयो। सरकारा बेनि बिबानखौ लानांगौ आरो थार बिजिस्नाय मोनांगौ होना बुडो।



कर्नाटकनि डिपुटि सिएमआ एक्सआव बुडोदि, महाराष्ट्रनि बारग' मन्त्रि बाबा सिद्धिकीनि अबथिरा जिउ गोमानायाव दुखु

मोनखोंदों। बे गुंथैथाव जाथायनि दायनिगिरिफोरखौ हमनो गोथौवै नायबिजिस्नाय जागोन। राइज्योनि लोरबां

खालामनायाव आइन बेबस्थाआ जिंगानि आयदा। हादतनि रांखाथियारि राजथावनि मुम्बाइआव बारग'

राइज्यो मन्त्रि बाबा सिद्धिकीखौ गुलि गावना बुथारनाया दुखुनि बाध्रा। जुदि नख'र मन्त्रि आरो खुंथाइया राइज्योआव गुरे आखु दिन्थियोब्ला, बेयो सरासनसा सुबुंफोरनि थाखाय खैफोदनि इसारा जानो हागौ। बिथाडा दाबि दैखांदोंदि, नायबिजिस्नायनि अनगायै खुं'गिरिफोरा गाव-गावनि बिबानखौ गनायथिनानै गावनि मासिनिफ्राय जानगार जानांगौ। एनसिपिनि एमपि सुप्रिया सुलेयावो बाबा सिद्धिकीनि थैनायाव दुखु फोरमायना गिबि मन्त्रि एकनाथ शिन्देआ बिबान नागारानांगौ होना बुडो।

आमेरिकाआ इरानजों फालांगि खालामग्रा कम्पानीफोरखौ होबथाबाय



वाशिंटन, 13 अक्टूबर: थानाय 1 अक्टूबरआव इरानआ इज्राइलआव मिसाइलजों गाग्लोबनायनि हेंथायै आमेरिकाआ 1 दर्जन कम्पानीफोरनि सायाव होबथायो। बेफोर कम्पानीआ इरानजों थावनि फालांगि खालामो। आमेरिकानि बे होबथानायाव भारतनिबो गंसे कम्पानी दंफायो। भारतआरि कम्पानी गम्बर शिप सार्थिसेजआ गवानि टेंकार हार्नेटनि

गेजेरजों इराननि थावखौ एसियान हादतफोरगव जगायना होयो। बे टेंकारआ इराननिफ्राय पेट्रोलियम मुवाफोरखौ जगायना होया घस्ट प्लीटनि बाहागो होना आमेरिकानि गुबुन हादतआरि मावख'आ बुदों, गोदानै आमेरिकाया होबथानाय कम्पानीफोराव इउएड, मालेसिया, हंके आरो सुरिनामनिबो दड, जायफोरा

आमेरिकान रांखाथिआव खामानि मावने हानाय नंला। आमेरिकानि माहारियारि रैखाथि बोसोनगिरि जेक सुलिवानआ बुदोंदि, इरानआ इज्राइलनि बयनिखुइबो बांसिन सुबुंफोर थानाय सहर तेल अबिबखौ थांखिना गाग्लोबदोंमोन, जेराव रोजा-रोजा दाय गैयै सुबुंफोरनि जिउ खहा जागौमोन। बेनिखायनो सरासनसा

सुबुंफोरखौ थांखि खालामनायनि हेंथा गोखों थांखि लानाया गोनांथाव। बे समावने इज्राइल आरो इराननि गेजेराव दावहा जागोन आसा खालामनायाबो जादों। बिबदि जायोब्ला बेनि गोहोमा मिडिल इस्ट आरो भारतावबो नांफेनो हागौ। मानोना भारत आरो इराननि गेजेराव फालांगियारि सोमोन्दोआ गोजाम। बेनि गेजेरजों भारतआ गोबां अन्जिमायाव इराननो बासमति माइरं आरो साहा रं दैथायहरो। फार्सेंथि इराननिफ्राय भारतआव सानफलावारनि थाव लाबोनाय जायो। सरकारि अन्जिमानि बायडिब्ला, भारतआ 2023-24 आव इराननो 680 मिलियन डलारनि बासमति माइरं दैथायहर्दोंमोन। भारतआ गावनि दिहुन्नाय गासै बासमति माइरंनि 19 जौखोन्दो बाहागोखौ इराननो दैथायहरो।

वाशिंटन, 13 अक्टूबर: आमेरिकानि बारग' हादतगिरि डनाल्ड ट्राम्पआ कलराडनि अररा सहरआव रेलिनि समाव बुडोदि, आमेरिकानि नोगोरारिफोरखौ बुथारना गुबुन हादतआरिफोरनो थैनायनि साजा होनांगौ। हेफाजाबगिरिफोरनि गोखों स्ल'गान होनायनि गेजेरगव ट्राम्पआ बुडोदि, बे बायदि जाथायनि दायनिगिरिनि थैनायनि साजा होनो आं दाबि खालामो, जाय सोरबा आमेरिकानि नोगोरारिखौ अनगायारियै बुथारो। गाव सायख'जायोब्ला, आइन बेरेखायै थाहैनाय गुबुन हादतआरिफोरनि हेंथायै माहारियारि अपारेसन "अपारेसन अररा" जागायगोन। खौरनि बायदिब्ला, ट्राम्पआ समायथिरा लानानै बुदोंदि, 5 नभेम्बर, 2024 आ आमेरिकानि जारिमिनाव बयनिखुइ देरसिन बिसायख'थि अडियान जागायगोन। सिमनाखौ बन्द' खालामगोन, हादतआव आइन बेरेखा सुबुंफोरनि दखल खालामफैनायखौ होबथागोन। डेम'क्रेटिक पार्टीनि बिजाथि कमला हेरिसनि हेंथायै हादतगिरि बि स 1 य ख 'थि अ 1 व

बादायलायनाय ट्राम्पआ 5 नभेम्बरआव जानो गोनां बिसायख'थिनि सिगां गावनि गुबुन हातआरिफोरनि आइन बेरेखायै हाबहैनायनि हेंथायै गोखों

थांखि लागोनखौ फोरमायदों। डेम'क्रेटिक बिजाथि कमला हेरिस रो रिपब्लिकान बिजाथि ट्राम्पनि गेजेरा गोखों बादायलायनाय सोलिदों। इउक्रेन-रसिया दावहा आरो इज्राइल-गाजानि दावहाखौ

साबसिने सामलायनो हागोमोन होन्नाय आयदाखौ लानानै ट्राम्पआ कमला हेरिसनि सायाव गोखोडै थांखि खालामगोसिनो। वाल स्टीट जार्नेलआ दर 27 राइज्योफोरगव सुबुंफोर रायखौ लानानै सार्थे

इलन मास्कनि अफ्टिमास रबटनि सायाव गोबां कमेन्ट होदों इउजारफोरा

गोदान दिल्ली, 13 अक्टूबर: टेस्लाआ बावैसो सिगां हिउमेनाइड रबट 'अफ्टिमास'खौ मुलुगनि गेजेराव लन्व खालामबाय। इलन मास्कनि बे रबटखौ लानानै बुंनाय बायदिब्ला, बेयो गासै खौबो मावनो हागौ। जायखौ सुबुंनि मेलेमा सानो हायो बेफोरखौ बेयो मावजोबनो हायो। सि-जोम सुनायनिफ्राय लानानै, सैमाखौ बेरायदिहोनाय, बिखुं खुन्नायसिम आरो जेराव सुबुंआ सौंहैना हाया बेयावबो रबटआ थानो हागौ। रबटखौ लानानै फेन्सनिबो गोबां कमेन्टफोर सैफेदों। सासे ससेल मिडिया इउजारआ बुदोंदि, - ब्लेक मिररआ जोंनो सोमोनांथावै दिन्थिदों, रबटनि मुगाया जागायबाय, नेम-खाथि आरो सर्थफोरखौ बुजियाजासे नोथानि न'आव मोनसे रबटखौ दोनाया गिखंथाव जानो हागौ। सोरबाया एआइखौ लाना गोजोन्नाय फोरमायदों आरो कमेन्ट होनानै रबटनि गोहोमफोरखौ सानखोंना खायसेआ जिगां फोरमायदों। गुबुन



सासे इउजारआ बुदों- आं बे बायदि सावथुनफोरखौ नुदों जायनि जोबथाआ जॉनि थाखाय मोजं नड, बेबायदि बबेबा मुवाआ बेलथानाय आरो बेनि बिगोमाखौ बुथारनायनि

सिगां बेहा मोजं थांखि दंमोन। गुबुन सासेबाव इउजारआ सौंथि खालामना बुदों, बेखौ बायनायनि सिगां जोबोर सानांगोन। अदेबानि इलन मास्कआ लन्व हाबाफारियाव अफ्टिमासनि बागै फोरमायदोंदि, बेनि सुबुंफोरनि गेजेराव सोलिगोन। बिथाडा रबटनि गोहोनि बागै गवरे फोरमायदों आरो दाबि दैखांदोंदि, बेयो,

सैमाफोरखौ बेरायदिहोना, उद्वै गथ'फोरखौ जोथोन लानो हागौ। लनआव गांसो हानो हागौ आरो गोबां गुबुन खामानिफोरखौबो मावनो हागौ। अफ्टिमासनि बेसेना 20,000 डलार आरो 30,000 डलारनि गेजेराव जागोन होना मिबथि होदों। लोगोसेनो बेयो दासिमाव बानायनाय बयनिखुइबो मख'जाथावसिन प्रडाक्ट होनाबो बुडो।

थांखि लागोनखौ फोरमायदों। डेम'क्रेटिक बिजाथि कमला हेरिस रो रिपब्लिकान बिजाथि ट्राम्पनि गेजेरा गोखों बादायलायनाय सोलिदों। इउक्रेन-रसिया दावहा आरो इज्राइल-गाजानि दावहाखौ

साबसिने सामलायनो हागोमोन होन्नाय आयदाखौ लानानै ट्राम्पआ कमला हेरिसनि सायाव गोखोडै थांखि खालामगोसिनो। वाल स्टीट जार्नेलआ दर 27 राइज्योफोरगव सुबुंफोर रायखौ लानानै सार्थे

थांखि लागोनखौ फोरमायदों। डेम'क्रेटिक बिजाथि कमला हेरिस रो रिपब्लिकान बिजाथि ट्राम्पनि गेजेरा गोखों बादायलायनाय सोलिदों। इउक्रेन-रसिया दावहा आरो इज्राइल-गाजानि दावहाखौ

साबसिने सामलायनो हागोमोन होन्नाय आयदाखौ लानानै ट्राम्पआ कमला हेरिसनि सायाव गोखोडै थांखि खालामगोसिनो। वाल स्टीट जार्नेलआ दर 27 राइज्योफोरगव सुबुंफोर रायखौ लानानै सार्थे

जम्मु-काश्मीर आरो आसामआव बांग्रि मावदों

गोदान दिल्ली, 13 अक्टूबर: बांग्रि मावनायजों फिन खुनसेबाव बुहुमा मावखोंदों। जम्मु-काश्मीरनि ददा आरो आसामनि उदालगुरिआव रबिबार खालि बांग्रि मावनायखौ हमदोंदों। जम्मु-काश्मीरआव बांग्रिनि गोखेंथिआ 4 मेग्निटिउड जादों आरो आसामआव 4.2। नेसनल सेन्टार फर सिस्म'लजिनि गेजेरजों फोसावनाय अन्जिमायाव बुंनाय जादोंदि, ददा जिल्लायाव फुनि 6:14 रिगायाव रिक्टर स्केलआव 4 गोखेंथियाव बांग्रिया फैदों। बांग्रिआ हा सानिफ्राय 15 कि:मि:गोथौआव मावदों। बिबानगिरिफोरा मिबथि होयोदि, दासिमबो रावनिबो जोखोम जानाय एवा सम्पतिनि खहा जानाय खौरंखौ मोन्नाय जायाखै। अदेबानि सुबुंफोरा गिखानानै न'सिंनिफ्राय बाइजोआव ओंखारबोदों। जम्मु-काश्मीरनि चिनाब घाटि

ओन्सोलाव आलादा-आलादा गोखेंथिजों बांग्रिया फैबाय थदों, जेराव ददा, किश्तवाड, रामबन आरो रियासि जिल्लायावो दंफायो। थानाय 5 बोसोरनिफ्राय 7 बोसोराव बे बांग्रिनि गोखेंथिया बादों। बेवहाय सिगांआवबो गोखों बांग्रि मावदोंमोन। 2005 नि 8 अक्टूबरआव रिक्टर स्केलआव 7.6 गोखेंथिनि बांग्रि जम्मु-काश्मीरआव फेदोंमोन। 2005 नि बांग्रि मावनाया मिरु पाकिस्तानि दखल खालामना लानाय जम्मु-काश्मीरनि मुजफ्फराबाद शहरनिफ्राय 19

कि:मि: सा-सान्जा फारसेमोन। बे बांग्रिया सा पाकिस्तान, सा भारत आरो आफगानिस्तानआवबो गोबां सिलिखारं खालामदोंमोन। जेराव जम्मु-काश्मीरनि अनन्त नाग आरो श्रिनगर, बारामुल्ला जिल्लाफोरजों लोगोसे काश्मीर हायेनिनि गुबुन गुबुन शहरफोरगव खमैबो 32,335 बिल्डिंफोरा बायदोंमोन। मावख'आरि महरै पिअके आरो पाकिस्ताननि एन डब्लिउ एफपिआव थैनायफोरनि अन्जिमाया 79 रोजा जादोंमोन। जम्मु-काश्मीरआव 1350 थैदोंमोन आरो 6,266 आ जोखोम जादोंमोन।

जिउ गोमायो आरो सा 17 जोखोम जायो। रबिबार मोनायाव जिन्ना इन्टारनेसनल एयारपर्टनि खाथियाव जानाय बे सुइसाइट बमा बेरफुनायाव दायनिगिरियावो जिउ गोमायो। गिबि नायबिजिस्नायाव बलुचिस्तान लिबारेसन आरि (बिएएलए) आ बेयाव दंफायोमोन होना मिबथिनो मोन्दों आरो मोनसे गुबुन हादतआरि संगालि एजेन्सिनि मददजों बेखौ जाफुंसारहोदों होनाबो इसारा मोन्दों। रिपर्टआव बुंवावोदि, सासे सिनायमोनै उतखारिया बमा बेरफुनायनि सिगां खाथियाव दोनफेदोंमोन। चीननि नोगोरारिफोरा सहरनि बाइजोआरि ओन्सोलाव पर्ट कासिम इलेक्ट्रिक पावार कम्पानीआव खामानि मावोमोन आरो गावसिनि न'फारसे थांगिसिनोमोन। बे समावने गाग्लोबो।

कराशि उरां गाथोनआव गाग्लोबनायनि खैसार सानाया सोरांआव फैदों

कराशि, 13 अक्टूबर: पाकिस्ताननि कराशि उरां गाथोन साखाथियाव बावैसो सिगां बमा बेरफुनायजों लोब्बा गोनां मोनसे मख'जाथाव खौरं सोराडाव फैदों। बेखौ मोनसे गुबुन हादतआरि संगालि एजेन्सिनि मददजों जाफुंसारहोदोंमोन होना मिबथिनो हादों। मिडिया रिपर्टनि बायदिब्ला, उतखारि होबथाया बिफान (सिटिडि)आ उतखारि बेरेखा कर्टनो गथायनाय रिपर्टआव बुदोंदि, सुइसाइट बमा बेरफुनाया पाकिस्तान-चीननि सोमोन्दोखौ खहा खालामनायनि खैसार बायदियै चीननि इन्जिनियारफोरखौ थांखिनानै मोगथां महर होजानाय। रबिबार खालि बलुक बिग्रायारि गुपनिफ्राय चीननि लेबारफोर गाथोनाय गंसे गारिखौ थांखिना गाग्लोबदों, जेराव साने चीननि नोगोरारिनि



जिउ गोमायो आरो सा 17 जोखोम जायो। रबिबार मोनायाव जिन्ना इन्टारनेसनल एयारपर्टनि खाथियाव जानाय बे सुइसाइट बमा बेरफुनायाव दायनिगिरियावो जिउ गोमायो। गिबि नायबिजिस्नायाव बलुचिस्तान लिबारेसन आरि (बिएएलए) आ बेयाव दंफायोमोन होना मिबथिनो मोन्दों आरो मोनसे गुबुन हादतआरि संगालि एजेन्सिनि मददजों बेखौ जाफुंसारहोदों होनाबो इसारा मोन्दों। रिपर्टआव बुंवावोदि, सासे सिनायमोनै उतखारिया बमा बेरफुनायनि सिगां खाथियाव दोनफेदोंमोन। चीननि नोगोरारिफोरा सहरनि बाइजोआरि ओन्सोलाव पर्ट कासिम इलेक्ट्रिक पावार कम्पानीआव खामानि मावोमोन आरो गावसिनि न'फारसे थांगिसिनोमोन। बे समावने गाग्लोबो।

232 बोसोर सिगां गायसन जानाय बिल्डिंआ हवाइट हाउस मुं मोनफैनायनि मिबथिनो गोनां जारिमिन

जों बयबो माबा गोदान बाथा मिबथिनो लुबैयो आरो बबेबा जारिमिनारि मुवाफोरखौ नुयोब्ला जॉनि आवुं मिबथिनो लुबैनाया बांसिन जायो। दिने जों मुलुगनि मुंदांखा आरो गोजाम जारिमिनारि बिल्डिं हवाइट हाउसनि बागै गोनांथार बाथा मिबथिनो लोलादों। बे बिल्डिंखौ लुनो 1792 नि 13 अक्टूबरआव अन्थाइ खाम्फा गायसन्दोंमोन। बेनि उनाव मुलुगदांखा हवाइट हाउसखौ लुफुनायाव 8 बोसोर सम नांदोंमोन। बेखौ आयारलेन्डनि आर्किटेक्ट जेम्स हबनआ डिजाइन खालामदोंमोन। बिल्डिंखौ बानायखानायनि उनाव बेखौ प्रेसिडेंट हाउस मुं दोन्नाय जादोंमोन। अदेबानि बे बिल्डिंखौ 1811 माइथायाव गिबियै हवाइट हाउस होन्ना मख 'जेनाय जादोंमोन। बुनाय जायोदि, ब्रिटिशर्सआ 1812 आव अमेरिकाआव गाग्लोबदोंमोन। गाग्लोबनायनि गेजेरजों ब्रिटिश



सांश्रिआ 24 आगस्ट, 1814 आव बे बिल्डिंखौ सिलिंखार खालामनो थाखाय अर सावना होदोंमोन आरो गावसिनि दखलाव लादोंमोन। बेयावनो बिल्डिंआ गोबां खहा जादों। अदेबानि अमेरिकान सांश्रिआ ब्रिटिश सांश्रिफोरखौ 1814 नि 25 आगस्टआव बेनिप्रय होखरहरो होयो आरो गावनि दखलाव बेखौ लाफिनो। मख 'जाथावदि, 1914 आव

हवाइट हाउस बिल्डिंआ आवुडै सिलिंखार जादोंमोन आरो बेखौ बानायफिनायनि थांखि लायो। फिन खनसेबाव सासे गाहाइ आर्किटेक्ट जेम्स हबननि मदद लानाने गोजाम महेरो आरो फोसाबफिना बिल्डिंखौ बानायफिनो आरो एट्राक्टिभ खालामनायनि थाखाय आवुं गुफुर गाव फुनो। उनाव बे बिल्डिंनि मुंखौ हवाइट हाउस

दोन्नाय जायो। 1901 माइथायाव 26थि हादतगिरि थियडर रुजवेल्टआ मावख 'आरि महेरै बेनि मुंखौ हवाइट हाउस फोसावना होयो। गासै बे बिल्डिंआ 55,000 बर्ग फुट खालियाव गोसारनाय आरो बेयाव 6 थाला, 132 कथा दड। सिंआव थियाटर, जकुजि, टेनिस कर्ट, बिबार बारि बायदि सुबिधाफोर दड।

दंखारयो

थरायना रस्मि गयारी

नों अनजालुखौ आडे खालामबाय बे जोनोमाव आलाइ सिलाइ अन्नाने नों आंखौ निमाहा होदो आंनि आनजाद नायनायाव नोंखौ हमनो हाबाइदि थारैनो नोंडे गोसो गोबोंजों मोजां मोनो आंखौ। नोंनि नायनाइ नोंनि जंखायनाय नोंनि फाव फेसनफोरानो फोरमायबाय आंखौ नों मोजां मोनो होन्नाने। नों जानाय नडमोन खोमा आंनि फारसे एसेबां मोजां मोन्नाय- जुदि आडे नोंनो दंखायो होन्नाने सिगांडावनो फोरमायखायो मोनबा, सान्नानै लाबाय गोरोन्थिया दाबो आंनि। नों मालाइ माखौथो एसेबां मुहिनी नांखो आंनि माबेखौ लानाने- गैया आंहा एसेबां समायना महर। गोसोआव गोरोन्थि सान्नानै दालासै नों अनजालुआ आंनि फारसे- नाथाइ; आं लुबैयो नोंखौ लामा-सामा लोगो मोनोबा रायदावजानो, गोरोन्थिखौ गोरोन्थि साना लासिनो बेनो आंनि आरज नों अनजालुनाव। जुदि, आंहा गैथायामोनबा बजबगौमोन नों अनजालुखौ अरायनि- होगौमोन आं नों अनजालुनो आंनि बिखानि थार अन्नाय मोजां मोन्नाइ। राहा गैया आंहा दिने नोंखौ नेउसिनायनि अनगायै जेबो। फैगौ जोनोमाव लोगो मोनलाइथों आडे बेखौनो आसा मिजिं थिना थानोसै नों अनजालुखौ।

जिउनि गोरोन्थि

आंनि हास्थायनाय लुबैनाय जिउ साजा लाबोयो आंनि साननाय हनाय, जिउनि गोरोन्थि लाबोयो आंनि मोजां मोननायाबो फेमाल जालांबाय, बे जिउआ खालि गोरोन्थिखौल दिन्थिदों एखनब्ला गाबनांनाय एखनब्ला मिनिनांनाय बे आंनि जिउ दान्दि सेआ, बयबो आंखौ बुडे जाम्बा-फाग्ला बयजोंबो आडे नासयजानाय मुगै जानाय आंलाय। मानि थाखाय आंखौ बयबो आंनि जिउखौ साजा होबाय थायो आं सानसनो हाला। बे आंनि जिउनि गोरोन्थिखौ माबोलादि मा जाहैगोन बे जोनोमआव।

मुसि थनिजा ब्रह्म
गामि डालवाबारि
जिल्ला-कक्राझार, (बड 'लेण्ड)

गोदान आबहावा

मुसि सनिराम बसुमतारी

हायरे ! बे मुगायाव संसारनि बोहैथि दैया मासेबां गुबुले, थरथिसे गोगो नागिरनानै मोननो गोब्राब; आनान ग 'साइयाखि गुबुले दैजों खुसि जागोन, बेफोर दैखौ लोब्लाखि सुबुनि देहाया गोखों जागोन। बेखायनो नामा बे जिउआ थोजासे आदार मोनजायै, गावनि बिगोमाजों नायस 'नजायै बेगोंजों बिगुरजों जानाय लामानि सैमा फाखि!! आंखौ सोर जोनोम होयामोन आं मिथिया, आंनि आफाया मा बायदिमोन आं सिनाया; खायसेबा बुडे-आंलायनो माइबारिनि फिसाज्ला, आरो खायसे बुडे-आंलायनो मोब्लानि मोखांसे नाथाय दिने आंदि मोदाय गथ' (ब्रह्महृदहस्र)। मालाय बिजय, पिंकि मोनहा बिमानि आहार मोनजानानै देरदों, मालाय बिफानि फाफिलयाव गाखोनानै गराइ दान्नायानो मोन्दें; श्वेबोदि बिसोरनि आंथि-आखायफ्रा मोनिया, बिसोरनि बिखाया लादों एलबाम। गोगो दै नागिरब्लाबो मोनेयाव आं आनान ग 'साइखौनो सिबिनो हाया जाबाय, देहायाबो लोरबां-थोरबां जाबाय, खुगायाव आवरायो फेथर-फेथर आर 'ज गोसोयासो थिर नड मानोना आनान ग 'साइयाबो खेबसेखौ खोनासड, बिनि खोमायाबो सोरबा रं कुबीरजों थुलासो माथु जाबाय नामा! नाथाय दाबो दावखायादि फुराखै, दावब 'यादि गोसोम गाव गायाखै दैयाबोदि साहाथिं बोहैयाखै।

नोजोर लाइसि

नोजोर लाइसि
खालामबाय नों दानफ्रोमबो आंखौ आखाइ फोलावना फरायगिरि। नोंनि रेदें-रेदें बिदे गोनां खन्थाइ सुंद 'सल' गोबोंनि रादाबआ आंखौबो खन्थाइ लिरगिरि जानो थुलुंगा होबाइ। हारिनि राव थुनलाइ हारिमु फोजाखानो आंबो नाजाबाय "नोजोर लाइसिनि" आंगो लोगिरि जाना। फेमाल दाखालाम नों लाइसि सुबुनि हाबिला गोसोखौ जाफुंसार हो दानफ्रोमबो फरायगिरि महेरै।

मुसि बिनय ब्रह्म
गामि-डालवाबारि
जिल्ला-कक्राझार, (बड 'लेण्ड)

रंजालि गथ 'फोरनि सौरा

सुगिखाडे

सुगिखाडे आं बै समनि बाथा एंखोर थंगा बारि बारि मोसौ मैसो गुम्बोनाय सम फोरखौ, दिया दख्खा लोगोफोरजों खोंख्राय गुदुखव खोंख्राय खन 'ना सावजानायखौ ! बेलारोम बुब्लिआव मैसोनि बिखुडव गाखोना रिउ रिउ सिफुं दामबोनाय समखौ।

सेलाबर , नोंनो नडना - कार्बिं हालामनि थैस ' थंस 'नि बोहैदों नों-लाजिगुसु मोखाडे, जौसिन हाजो थिखिनिनिफ्राय मुगायै मुगा जारिमिन बिलाइआव माहि आखु समायना कार्बि सिख्खा।

नोंनि गोबोंआव गैया उन्दै गेदेर मोजां मोनो नों हालामनि थागिबिखौ, आरो जुदा जुदा राव हारिमुखौ ! अनफावरिनि लो' सुना बोहैदों नों खानै खालामना गुबुन गुबुन थागिबि फोरनि गामिखौ।

सेलाबर सिफिदैसा हरखाथि दैखु हरिना जमुना, मिथिगानि लाइमोनसि सिख्खा- खफिलिजों दबायाव बामजाना बुरलुबुथुरजों खारफा लादों।

आरो मा सुगिखांवावनो गोदोनि जारिमिन रजि खुबोनाय सुबुं अनफावरु तुलनसि जोहोलावनि नोंनि फैलाव रुबुथि हायेनाव।

सोरनो बुडेब्ला सोर फोथायगोन आलो गोजोनै रजि खुनाय हारिखौ फोथायखेबस 'फोरा खायथ्लारि सोलोजों खालामबाय लान्दा खान्दा साखि दं हनै सेलाबरा।

बारमोदाइजों सिम्बे जानानैब्लाबो बोहै लादों नों-जिगोर गैया जासे, खौसेथिनि सायखं जानानै हारि हारिसा लोगो लानानै अनफावरिनि देंखोजों जोनोम बिमानि -- राव हारिमुखौ गेरेमसा खालामनो।

पबित्र ब्रत दैमारी
गलाघाट

गोरबोआ गेंबाय

गोरबोआ गेंबाय रजे नोंनि मुयै सानथ्रहायि नोंनि अन्नाय बिखायाव जायगा आवगिबाय।

नोंनि राव, फाव, महर 'र मोखां मावनाय-दांनाय जेरावबो रोंखा-राखा आं मोजां मोनो सना नोंनि आखुथाइफोर।

नोंनि आगर बुंफबनाय दखना गान्नायजों रेगे-रेगां फाखानि गाबजों समायफ्लेयो सना नोंनि हायनारि महर।

गोरबोआ गेंबाय रजे नोंनि मुयै नों अखोरनि थरसे हाथरखि जाना जोंबाय था रजे अखाफोर जाना सोरां होफै गोरबोखौ आंनि।

गोरबोआव आंनि नोंनि मुयै अरायबो थावनि लाखिगोन रजे नोंखौ अराय आलो आलो गोरबो बिखायाव बज 'वना नोंखौनो अराय।

गोरबोआ गेंखानाय रजे नोंनि मुयै अरायबो बिखायाव थावनि रावनिबो थाखाय नैबे गोरबोआ गेंआखै सना नोंनि मुयैसो नोंनि मुयैनो नैबे बिखायाव अन्नाय सोमजिदों रजे।

निरन दैमारी
नदुवार, बिस्वनाथ

नों खोथा होयै सम बादि

लांगोनाजों नायहरो नोंखौ सिरि लांओ बेयावनो गोबां हाथरखि जामलांथारबाय नैबे गाथोन लांगोना मोन्दाथिफोरा दायो फारब्रै इन्जुरनि आंनि गोरबो, नोंनि गोरबो नागिरनानै मोननो थायै, रोदा गोयै, गोदान हाथाय श्वेबो बेयावनो जायो बेलासे सान दोबैनाय सामफ्रामबो--- खोमसि हरनि सग्रेमाफोरा हेब्रेलांओ, मेल खुनो गावनि मिजिं फैसालि नागिरनानै मुलुगनि गोदान गंसे देरा बानायनो अन्थाइनि बादामालि खाफबनाय जालामा जायखौ नों फोथायनो गोब्राब सानाव बिरनाय दाव बादि गांखं बुब्रावनानै साखा फारा जायो गोसोनि रावफोरा गोरान बिलाइ गोमोन बिलाइ सिरि लाडे, गोरान बिलाइ बारजों बुखार जायो, सम बोथोर गोरोबनानै बारलाडे, मोनसेनि उनाव, गुबुन मोनसे बिदिनो, मानोना नों फेनायनि उनावसो सुथिमोन्दों जेब्लायबो नोंखौ नागिरनानै -- आंनि गोसोनि आइनायाव सावगारि नुयो नोंनि फेनाय आरो सोदोब खोनायो, हिराबादि गोरा बान्दो खोनाय आलि थाबाय लांनो बेनिफ्राय बैसिम नोंखौ लोगो हमनो नों गोसो दंना, आंनि,नोंनि आंनि गेजेराव थाबाय माला सुजुनाय मोगथांनि हाथिनायाव आं जायो नोंनि नों जायो आंनि नोंनि थाखाय संसार मोनसे.....

इउनसा बर'
उदालगुरि

थुलुंगा हो

जिउआव थाना थानायनि दावगानायनि हाबामाव बयनिबो एसे

जाय फेगौ लामानि हाथिनाय आगान गोजोन दावबाय लांनो हानाय जायो

मिजिं गोनां गोसो जिउआव नों फिसिनो नाजा गोजान लामा हाथिनायनि थुलुंगा जाफुनाय मोनगोन

जिउआव नों बेबादि जिउआव मोननो नागेर जाय नोंनो गोजोन्नायनि बेसेन मिजिं थुलुंगा गथायो

बेसेन गोनां नोजोरजों नाय जायखौ मिथिनो गोनां दड

जिंगा सिनाय गोसो आबुथियै बाहाय जिउआव सोरां गोजोन मोनो हागोन

बुनायफोरखौ गोसोआव लाखि थुलुंगा मोनगोन जिउआव दावगानायनि बोसोन ला

गोसो मिजिंनि सानसि बोहैलांनाय जिउ लामायाव ओरैनो थांगारा।

प्रदिब रामसियायि
सा डेखियाजुलि, सनितपुर

गोमानाय आइ

दडमोन आंहा नों अनसुलि बिमाल। नाथाइ आन्नाइ लांबाय नों आंखौ नागारनानै मिथिस' मोने जायगायाव। बेसे गोजोन गौमोन आइ आं नों आंजों लोगोसे थायोमोनब्ला। नुयोब्ला मालाइनि रंजा-बाजा बिखा गाबो आंहा दुखु जायो नोंखौ गोसो खानानै दाबो खोनायो आं आयै खोनाफा माफा आंनि फिसा होननानै आंखौ गाबजिनानै। नोंखौ गोसो खानानै आंनि मेगनजों मोदै गयो दुखुनि महरखौ नुवाखैमोन आं आयै नों थानानै थानाय समाव नाथाइ दा जानांबाय आं दैजों, बुखार जानाय खोस्लिफाना बिफां।

मिच मुथिमा नारजारी
जिल्ला-कक्राझार, बिटिसि।

सुंद' सल'

-सम्पु कुमार मुसाहारी
गामि: सिकारगाव

फागुन दान।

मिथिंगानि महरा

देवोलनि हायना नांहांबायमोन। बे समाव सेंग्रा-सिख्लाफोरनि गोसोयाव जांखिथाय सोमजिखानाय सम। सम्पुनि खर 'सायाव जाबनानै दोन्नाय लाभ लेटार आरो सावगारिआ फागुननि जावलिया बारजों फोर फोर बिरखारदों। सम्पुनि गोसो मेगनाव गोसोयोन मोनसे समनि गोमोथाव सावगारि। जाय सावगारिआ बगिबारि बिमा महामायानि गोथार थानसालियाव सतबांसा लानानै सेबखानाय सम्पु आरो फुंबिलिनि जरासे रोखा सावगारि। हायाव बिरखारनाय लाभ लेटार आरो सावगारिखौ सम्पुआ खनखानानै हाजासे खुदुमो आरो बिखायाव बोजबना लानानै हांमा गोलाव खनसे बोना खर 'सानि फाइलआव दोनहरफिनो। अब्ला कक्राझार गभ कलेजनि एनुयेल मेगाजिनआव हरनो सम्पुआ सुंद' सल' लिखासिनो दडमोन। नाथाय गोसोया जवाखै सल' लिखायाव। सल' लिखायनिफ्राय दुबफुं सिखारनानै एमाव खुग्लुब सोनानै हुख-हुख गाबदों सम्पुआ। बै समनि जिउनि रजेजों जाबोनाय जाथाय सावगारिखौ फारि फारि गोसोखानानै। माब्लाबानो बेसेन गैयै थायनै मेगननि मोदैजों गानुआ सिगलाव लाडे।

बाबु....बाबु... ! दरखनि फैसालिखौ बोखारना सोंहरो बिमाया। नाथाय सम्पुआ बिमानिसिम फिन राव हराखैमोन। बाबु.... नों नों गाबदोंसो ? मा जादों ?? विथोराव हाबबोना खर 'आव बिलिरना सोडो बिमाया अन्नाय रावै। नाथाय सम्पुआ आरोबाव सिरि।

बुं फिसा नोंहा मा जादों ? बुडा मानो ?? जोनोमगिरि बिमानि ब्रा सोनायाव गोमो-गोथो जानानै सम्पुआ बिमाखौ फोलानानै बुडे, आं जेबो जायाखै आयै। जेबो जायाखैब्ला नोंनि मेगनाव मानि मोदै ? बुडा मानो ?? नों आंखौ थगायनो ???

फिसाज्जलानि हालोदखौ नुना बिमानि मेगननिफ्राय मोदैआ बाना जाना सम्पुनि खावलायाव थर थर गोसोयोन। बिमाया गावनि मेगननि मोदैखौ दखना रोबैजों फुगारना बुदों, फिसा नोंनि बेफोर बायदि हालोदखौ नुना जोनोमगिरि बिमा जाना गोसोयाव नाडा नाम। जेराव नोंनो देरसिन लावसिन गिबि फिसा। रोडा नडा रोंबाय नोंनि सायावदो दड नखर दानायनि गिलिर बिबान। नों गोसोखौ हमथा दा हगारसार। खावलायनाय रावजों बिमाया फिसाज्जलानि गोसोखौ बेलेन्सआव दोन्नो नाजादों।

बुंगोन आयै आं नोंनो गसिबो बाथ्राखौनो बुंगोन। नाथाय आंनि फेलें जिउनि मुगैथाव रमानिक्र जासिबो लोमजाना जोबदों आंखौ हासिब सुवाजों

रमान्पनि नोजोराव फुंबिलि

बुजावदो आयै।

मा.....मा..... !

रमानिक्र जासिबो..... ? बिदिसो जादों नों ?? गोमोना बुडे बिमाया आरो बुंबावदोंमोन, दुखु-दाहाखौल गोबोंआव लाथुमना, बिनिनो खन्थाय सुजु-सुजु मेगननि मोदै हुगार-हुगार नों सुबुं जिउखौ नंखाय हरनि सिमांल सान्दों नडना ?

बिमानि बाथ्रा जोबस्लाबैनि सिगांनो मोदैनि बान्दोआ बायनानै बाना जाबायमोन सम्पुआ। बायगिनाय गोसोखौ जथायफिनानै आरो मेगननि मोदैखौ खेबसे फुगारसोनानै थेरनाय गारांजों बुडे, खोनासं बिदिव्ला आंनि फेलें जिउनि रमानिक्र जासिबो नोजोराव नै नाय नैबे लाभ लेटार आरो नैबे बगिबारि महामाया मन्दिरनि फुंबिलिजों आंजों..... । बाथ्राखौ बुंजोबनो हायाखैमोन सम्पुआ। उनर्थिजाय बनि गाराडा थाबथेहैदोंमोन आरो मोखांखौ बियो होखोमादोंमोन।

बिमाया सम्पुखौ फंसे सोबानानै न सिनिफ्राय बायजोआव ओंखार लाडे। सम्पु कुमार मुसाहारी। बड 'लेण्ड राजथावनि कक्राझार टाउननि साहा जि किलमिटरा गोजानाव बनरगाव दखरानि सिडाव थानाय सिकारगाव गामियानो सम्पुनि आंगो गामि। गामिआ गिदिरिथारानो। गामिनि सोरगिदि फैलाव माइ दुब्लि आरो थालाय-फैलाय खालामनायाव लामाफोरा मटर-गारिनि थाखाय जेबो हेंथा गैया।

2006 ई माइथायाव ओइस.एस. आन्जादखौ दतमा हाइयार सेकेण्डारी फरायसालिनिफ्राय नैथि बाहागोयाव उथिनो हायो सम्पुआ। नखरनि बिमा बिफा, बाय बाहागि बयबो गोजोन मोनो सम्पुनि खौरांखौ मोनानै।

बिमा बिफायाबो फिसाज्जला फास जानायनि खुसिजोंनो गामिनि गोरो गोरा, गावनि सेंग्रा आरो सिख्ला लोगोफोरखौ जाहोनों थिक अक्ट मोनसे लायासै। मेट्रिक फास जानायावबो जाहोनाय जायासै जायासै एबारहायनो माइब्रानि जौ संनानै आरो ननि बोरमा खासिजों बेदर दरसे जौ गरदसे जाहोनों लोंहोनों। एडमिसनखौबो कक्राझार गभ कलेजआवनो लानो थिक खालामखाबाय।

बे समावनो जायासै सम्पुमोननि नखराव गोब्राब लोमजानाय। नखरनि गसिबो लोमजाना जोबदों खालि सम्पुआलनो बाद।

बेबो थारा थामसा बावसो। सानैखौ कक्राझार आरएनवि चिभिल हस्पितालाव लाडे आरो माखासेखौ नआवनो गामिनि डाक्टरजों ट्रेडमेन खालामो। आखायाव गैया थोजासे रां। फासर्थि लोमजानायनि हालोदआ इसेबो खमायाखै। बेखायनो जेराव मोनो बेयावनो रां दाहार लादों आरो लादों। नखरने लोमजानायनि खोथरा थानायखौ बुडाब्लाबो जासिगोन। गुबुन फासर्थि कक्राझार गभ कलेजआव सम्पुआ टिडिसि फास इयारनि एडमिसन जागासिनो दडब्लाबो लानो हायासै। आखायाव गरसेबो रां गैला आरो एडमिसननि समाबो बारलांबायमोन।

गामिनि सासे मानसिआ दतमा इ एन ब्रह्म कलेजआव बाखि एडमिसन खालामना हैनो नागिरिदोंमोन। नाथाय डिग्री लाइफखौ कक्राझार गभ कलेजआसो रंजा होनो गोसोखामोन सम्पुआ। बेखायनो जेबो गोमो गोथो उल्टां-फाल्टां साना लासिनो बे बोसोराव थायासै गेप।

फुंबिलि, फुंबिलि बसुमतारी। सम्पुनि एके गामिसिनो सिख्ला। बेसानि नखरा गेजेर थाखोनि। फुंबिलिआ मेट्रिक आन्जाद होनाया खेबनै जाबाय। फासखौनो जानो रोडासै। फरायनायावबोध गात्रिद्राय बुंनो हाया। नाथाय जाहोनना मा ? नैबे नडाथ ? ? गावसिनि न' खाथिनि गावजोंनो समान समान थाखो लोगोजों मोजां मोनलाय थाखो स्नि फराय लायनारयनिफ्रायनो दिनेसिम। मेट्रिक फास जायैनि बिमाजों राजयानाय, मोजां मोननायनि फासबो रायगिल जानायजों खरखौनो गावहां गावहां मोनजोब्याय फुंबिलिआ। नखरनि रावबो मानसियानो मोजां मोननाय हौवानो हरखाया। मानोना हौवानि नखरा खुनुखुमसो सोलियो। बेखायनो फुंबिलिमोननि मोजां मोननायनि दौलेंआ जनानै थाडासै सानसे।

दानिया सिरि सिरि सम्पुनि फासै आथुरै फुंबिलिआ। गोसोयाव एवथुदों नाथाय फोरमायनो हाया। गाहाम थांखिनि बिथि फासै बुंनो खाबुखौनो मोनाखे खालि बिखा गोबोंआवल् दोहो-दोहो जुजायनि अर बायदि जाना थादों। फंसे बाथ्रा दड "बिखाया गावो खुगाया गेवा"। बे बाथ्रायानो दा फुंबिलिनि गोबोंआव मैखुन बेरनानै दं। देहानि गांनय उखैनायखौ सुफुनो गोरलै नाथाय गोसोनि गांनय उखैनायखौ सुफुनो गोब्राब। फुंबिलिआ सिख्ला लोगोफोरनि सिगांआव फोरमाय होदों, आं उमुकखौ.....।

बेनि गोब्रामनायखौ नुनानै सानसे लोगोफोरा फोरमायना होयासै सम्पुनि सिगांआव। सम्पुआ बेसोर बुंनय रावखौ खेलासो सान्दों। मानो फुंबिलिआ नखाथिनिजोंनो मोजां मोनलायो बेखौ सम्पुआ मोजाडैनो मिथिखागो। सम्पुआ दिनेसिम ओइस.एस. फास जादोंब्लाबो राव सिख्लाजों लाभ गेलेफेरखायाखै आरो खेलबो लाखाया। फरायनायखौसो गुदि सानखायो बियो। सानसे सम्पुखौ लोगो हमना सिख्ला लोगोफ्रा सिगांआव बुंनय बायदि एके रावैनो बुंबावबाय। अब्ला सम्पुआ बिसेरनि सिगाडाव बुडे, बियोथ नखाथिनिजोंसो मोजां मोनलाया होनब्ला ?

बिसोरो मिनिनानै फिन होफिनो, औव सिगाडावसोमोन। नाथाय दा गैलायला। दा नोंखौसोथार। बिदिव्ला नोंसोरनि लुबैनाय फिथायखौ आं दिने होनो हानाय नडा।

मानो ? औरैनो। जेखि जादोआ उनाव माबा मोनसे जासिगोन बे होना गावसा लायना नयाव फैयो सम्पुआ। न'आव फैनानै सानब्लाबो आगोर मोनासै सम्पुआ। गावनि गोसोजोंनो नारा-नाथार जुजि लायबाय थादों। बाराब्ला थै-थां दानि-मन्दा। लाइजामनि गेजेरजोंनो फिथायखौ हरनो लिखाया बियो। जेरे सान्नाय एरै हाबा। लिखाया लाइजामखौ गोसो होथाबनानै बियो ओरै -

"अबंलावरिआ नोंखौ गोजोनै दोन्थों" गिबियाव खुलुमनाय नाजाव। आं आसा खालामो बे सुंद' लिखायनि गेजेरजोंनो नों बुजिनो हागोन। लिरा सानदोंब्लाबो आं दिने नैबे जिख्लाबसे लाइजामखौ लिखायगौ जाबाय। दिने नों बे लाइजामनि रावखौ फरायब्ला गोबाडैनो दुखुबो मोनो हागो। फासर्थि लिराब्लाबो जाया। नाथाय मा खालामनो नोंहादि जिउआव सासे मोजां मोननाय दंखायो। अब्ला नों माब्रैहाय आंखौ फ्रपस खालामनो सानखो ? थारै मोजां मोननाय जिरातआ खम नडा। नों गोसोखौ हमथा। मानोना माफ्राम सिखिरिजों उरायफानो सानोबा इयुनाव खैफोद दड। खैफोदआ बेनोदि बारफुनाय बिबारा बयनिबो सुथर खालामो फुं। बेरे सिखिरि बुब्लि आरो मानसिफोरनि मोदोमनायनि अराय संगालि। बाथ्राखौ मोजाडै बिजिरनानै नाय। खिन्थु अन्नायनि मुडावल' लुबैनायना मा नोंनि मोजां मोननाया, नाथाय आं बावबाय जिउखौ नोंनोनों। आरो आंनि लुबैनाय जों सानैनि बे सोमोन्दीआ सुबुनि गेजेराव दा गुबुथों।

एसेनोसै। नोंनि नाजानायनि फिथाय, सम्पु कुमार मुसाहारी गामि: सिकारगाव। लाइजामखौ बियो लोगोनि थयै फाथाय हरबाय। मोनहैबाय फुंबिलिआ लाइजामखौ फरायबायबो गोसो होथाबनानै। सानैनि उनाव फिन लाइजाम लिरनानै हरफिनबाय फुंबिलिआ।

God is One My dear special derling, सिगाडाव आंनि मोजां मोननायखौ नाजावदो। नोंगो रजे सिगां समाव बुजिनो मोनैयाव आं बिजों लाभ लादोंमोन। नाथाय आं दा बुजिनो हाबाय बनि माखासे समायथाव नडै आखल आखुखौ नुनानै आंनि गोसोआ गोबाव समनिफ्रायनो बनि फासै जानगर लांबाय आरो जेराव नखरनि मानसिफ्रा बेनो हरखाया आंखौ। नेवसि जानायनि थाखाय बियो आंखौ गात्रि नोंजोरै नायनो हागो, नाथाय आंनि गोसोआ इयुनावबो बनि सायाव जेबो फिननाय होनो हाला। नाथाय आं नोंखौ बेफोर बायदि खालामनो सानाखै। नोंखौ मोजां मोननाया मुडावल' नडा रजे जिउआव मोनो

हास्थायनायसो। इयुनाव नोंनि अनगायै आंजों समायथाव गुबुन जोहोलाव गैला। लाइजामनि फाग सिथमनाय सेराव लेरबावदोंमोन। "आवुं देहुवा सोदोब होया, जाय सोदोब होयो जेब्लाबो नंखाय। जायखि जेखि बुडा नों जेब्लाबो आंनि सना।" गोजोन्थों। नोंनि अरायनि, फुंबिलि बसुमतारी गामि: सिकारगाव। फुंबिलिआ गोसोयाव साहस लाना बेले-बेजे सान्नायखौ ज्राब गारना गावनो सम्पुखौ लोगो हमना फिन लाइजामखौ गथायो।

बे दिननिफ्रायनो फुंबिलि आरो सम्पुमोननि मोजां मोन्नायनाया गोथार दै सान्थि बायदि गोसोयै सिरि-सिरि बोहैजेनो। घडीनि खाटाया दानिसेबो थाथ'आ अराय गिदिडे आरो गिदिडे, थिक बे बायदिनो बोथोराबो जानुवारी, फेबुवारी मोनसेनि उनाव मोनसे सोलायबाय थायो। ओइस.एस.एल.सि. आन्जादआ गोथाव गैलायाव। फरायबाय फुंबिलिआ आन्जादनि थाखाय गोसो होनानै। सम्पुआबो फोरोंहैयो फुंबिलिमोननि न'आव थानानै रोडैफोरखौ। खाफाला मोजां अन्नाय मोजां मोनलायनायखौ गोबोंआव दोन्नाय, थांखिखौ सिगाडाव लानानै हानायसै जाफुं होनो मेट्रिक जांख्लाखौ थामथि जागया लानानै फुंबिलिआ।

सानै एडमिसनखौ कक्राझारवावो लाहैबाय। फुंबिलिआ गार्लस हाइयार सेकेण्डरी स्कुलआ आरो सम्पुआ टिडिसि फास इयारनि कक्राझार गभ कलेजआव जासिमिन आयदाखौ मेजर लाना। सानैनिबो क्लासआ जागाय जेनासै से आगष्टनिफ्राय। सामफ्रामबो थाडो बिसोरो सानैजों क्लासआव। थानायावबो फैनायावबो साथ गंसेजोंनो हमजाव लायो आरो मथरावबो सिद गंसेयावनो ज'जाव लायो। गामिनाबोथ' बिसोरखौ जेबो बुंखाला। मटर सेखारफ्रा सिन्थायनो नुबाथाय मिनिग्रा जाबायमोन। मानोना मटर बाराखौ सामफ्रामबो सानैजों हरगोरलायनो सिख'लायोमोन।

सम्पुआ सिगाडाव सिख्लाफोरजों खेल लायैआ दाना एकथिसखौ सानसेयाव खेबसे नुवा बाथाय बौरैबा मोनग्रा जाबाय। सोर हानो ? बेलाय गामिसैनिनो बाव। गावनिनो लांगोनायाव बारबाय थानाय बिबारनि सेराव बे मालाय बेसे गोबाव फाराग लाना थानो हालायखो। सम आरो बोथोरजों खारफायै खारफायै लाइमोन बैसोनि बादायलायनायाव जेन्नाडासै बियो गावनि गोसोजों।

नै दानखौ बासजोंनो हान्थिदों बिसोरो। दानिया अक्ट'बर दाननिफ्राय फुंबिलिआ लर्जि थाहैयासै बागानसालि नार्जारी देशायव सासे लोगोजों। नोंबो थौदो थाहैनोसै होन्नानै सम्पुखौबो लेंदोंमोन। नाथाय माखासे एनगार हायै जाहोननि थाखाय सम्पुआ थाहैया लासैनो हान्थिथनो गोनां जायो। अब्लाबो फनजों कनटेक खालामलायनानै लर्जिआव लोगो हमलायनानै थु लाभ आरो इयुनखौ लानानै गोबां बाथ्रा सावराय लायो बिसोरो बे बायदिनो गोबांबार।

डिसि अफिसआ फुंबिलि मोनहा स्कुलारसिफ समाव सासे बर सेंग्रा लोगोमोनदोंमोन। बिसोरो ओइस एस फास इयारनि लोगोफोर गोजा जयैनो बे खामानिखौ लानानै फैखादोंमोन। सेंग्राया सोडो, मानोबा फैदोंमोन जारै मोनहा ? सेंग्राणि सोंनायाव फुंबिलिआ फिन होयो स्कुलारसिफ फरमआव डिडिसिनि सही लांफैदोंमोन आदा।

नोंलाय मानोबा फैदोंमोन ? सोंफिनो फुंबिलिआ। आंबो नोंसोर फैनाय बायदि खामानिखौनो लानानै फैदोंमोन। नाथाय हा खाजिना क्लियार नडैनि जायासै। नोंना क्लियारबा हरथनाय जारै आं सोडै फिननि।

सेंग्राआ फुंबिलिनि हा खाजिना

रसिदखौ लानानै अफिसआव सोडैफिनो। दानिया लोगोफोरा फुंबिलिखौ डिडिसि अफिसआव हासिडै गारबोयो।

फुंबिलिनि हा खाजिना रसिदजों जाफुंनायसे सेंग्राणि खामानिया। सानैजों डिडिसि अफिसनिफ्राय रिक्सा गंसे लानानै फैयो। रिक्सा सायावनो बै सेंग्राया गावनि फुरा सिनायथिखौहोयो। आंनि मुडा निजोम ब्रह्म गामिआ दतमा बोरसिजरा। आं कक्राझार केम्पासआव फरायो आरो रिक्सा सायावनो केम्पासनिफ्राय दिहुन्नाय मेगाजिन गांसे दा हरिजन जों लोगोसे गावनि मबाइल नम्बरबो लिरनानै होफायो। रिक्सानिफ्राय ओंखार फैनानै एल.एम.बि. रेष्टुरेन्टआव सानेबो जाग्रा जालायो। फुंबिलिआबो गावनि फुरा सिनायथिखौ सेंग्रांनो फोरमायो। उनाव बिदाय लालायनानै सेंग्राआ बासआव फुंबिलिखौ दिखो हरो।

अखानायै फुंबिलिआ डिडिसि अफिसनिफ्राय बाससिम जानाय जाथायखौ सम्पुनो फोरमायना होयो। ओइदिन खालि जयैनो सानैजों थानांगौब्लाबो सम्पुआ थांफानो हायाखै एंगार हायै खामानि थानायनि थाखाय। खोथाखौ खोनानानै सान्दों, सम्पुआ मानसिजों मानसि मदत होलायनायाथ खोब मोजां जादों। नाथाय बौरैबा हाब्र'लायनानै गात्रि जायावनो जायो। गोसोजोंल दे जेबो जानाय नडा बियो सानना थाबाय सम्पुआ। फुंबिलिआ सम सम फन हरो निजोमनो आरो बिबो बासटेनआव लोगो हमफैग्रा जाबाय। खेबसे नडा, खेबनै खेबथाम। सम्पुनाव सोडो फुंबिलिआ हनै निजोम फैदों रायलाय होगोनना होया होन्नाय। दायथ जाथारगोन सोडाब्ला। एकनब्ला सम्पुआबो रायलाय हैदो होन्नाय बुडे। बे समावथ' सम्पु फुंबिलिमोनहा बासजोंसो हान्थिथ' खायोमोन।

बोथोरा अक्टबर, नभेम्बर बारलांबाय। फुंबिलियाथ अक्टबर दाननिफ्रायनो थायैखादों। नभेम्बर दाननिफ्रायनो फुंबिलिआ सम्पुनो फन हरबांला नायनोबो लुगैला जाहांबाय। सम्पुआ बेजों थाफाग्रा लोगोनाव फन हरो आरो लोगोआबो फुंबिलि नोंनि फन फैदों होन्नाय हैयो रायलायो बिसोरो घन्टाफा खावफा गाहाम। सम्पुआ थु लाभ आरो इयुनखौ लानानै रायलायो। नाथाय फुंबिलिआ गुरुथ' गैयै नांला बंसा रायलायो। मानोना फुंबिलिनि गोसोआ सोरनिबा फासै लोबोदआव फैखाबायमोन।

दानिया निजोमखौसो गावनि लर्जिआव लेंहरनानै सुखु-दुखुनि बाथ्रा रायलायग्रा जाबाय। बेबो लेंहरबानो फैयो। ओजों गामियाव मोजां मोननाय दंखायोनो

मामोन जेबो सानो सम गैला फुंबिलिया। माब्रैहाय गोसो जाबावनो निजोमआ एम.ए. आरो सम्पुआ बि.ए. फास इयार फारागआ दलामैनो दंखायो। इंखि मोनसेखौ बेसेबां जाबाय थानो। बेखायनो गामिनिखौ ज्राब गारनानै निजोमजों आन्दार कारेन्ट मोजां मोनलायासै दाहारै। सम्पुआ खेल मोनखाबाय गोदान फुंबिलि लाभ लानायखौ। नोंमारगो बे हिन्जाव जाथिखौ मोजाडै स्टाडि खालामनो हानया गोब्राब। बेनिखायनो जानो हागो लिरगिरिफोरा बिबार आरो दैजों रुजुयो। जेरै मोसे जादिनि बिबारनो बयनिबो बागानाव थानाय बायदि। समायना महरखौ लानानै बिसोरो गोगायो। नाथाय बिबार बायदि समायना मुहिनि गोनां महरा दसेनो मोस्तेर लाडे। थिक बिदिनो हिन्जावपोरा गोबां गोबां महर लानानै सोरखोबा मोसा होनो, गाबहोनो हायो। जेरै नों दैखौ जेराव दोनो बिनिनो बियो महर लायो। मानोना दैआ गाव गैया। बिदिनो हिन्जावपोरनि गोसोआ दफा-मुफा। जायनिफ्राय अन्नाय मोनो बिजोंनो बिसोरो गेलेम लाडे। नाथाय बिदि होन्नाय सम्पुआ गसिखौबो बरनना होनो साना। बेनि गेजेरावबो थायो सथि बेवला, जयमुति।

सम्पुआ लोगो हमहैयो फुंबिलिखौ लर्जिआव थानानै। नाथाय सिगाडाव बामजानानै रायलायग्राया दाना थाफा देरबावला मोजां मथन रायलायला सान्नायमानि गसिबो फैमाल। सानबायल बियो दानदायाव होनाय मोसौआ दुरुं बसयोब्ला खारदाव खायो।

फुंबिलिआनो सम्पुनि सिगां लाभा मोजां मोननाय। आरो जेराव सतबांसा लानाय गोरा गान्थि दड। बेखायनो निजोमखौबो गोबांबार रेकुइस खालामदोंमोन रायज्जायनो सम्पुआ आरो फुंबिलिखौबो बुंदोंमोन, रिमोनला सिथलायाव आगानखौ मोजाडै खेबथा खेबथा सुर होन्नाय। नाथाय सम्पुनि बुंनय रावआ रज'याखै सानैनावबो। निजोमखौबो इपिटम बिलिंड सेराव बोगथिनाय जादोंमोन आरो गेजेर गेजेर दावराव दावसि फुंबिलिनि लेखाखौ सावलायनाय जादोंमोन सम्पुआ। नाथाय दासान्दि थु लाभआव थ'ब्ल' खानायखौ जेजों सारसिनानै बहा मोनबावनो ? सम्पुआ गावनि बरातखौ गनायनानै फुंबिलिखौसो सान्दों, जौमोन बैसोनि उसिफावनाय रमान्स्खौ दबथायनो हायैयाव बिदि लाभ गेलैनानै गावनि बिबार बायदि गोथार सोलेरखौ दागो फोनांन इयुन जिउनि जोथि सिमांखौ खोमानाय नडथय.... ?? ?

मदि सरकारआ पन्चायत थाखोनि जौगानायखौ गोख्रों खालामनो नोजोर होदों



गोदान दिल्ली, 13 अक्टबर: सुबुं'खान्थियारि खाँन्थिन गाहायसिन एबा गुदि बाहागोआ गामि पन्चायत। बे पन्चायतफोरनि थागिरिफोर एबा सुबुं थान्दैफोरानो जा, बिसोरनि सुंजाबनायनि रावआ जायगायारि, नाथाय दासिम सरकारजों सुंजाबनायनि थाखाय बानायनाय इ-ग्राम स्वराज पर्टेलआ खालि इंग्रजावल्'मोन। पन्चायती राज मन्थि बिफाना बेखौ ह्मदानो हानानै रावनि हँथाखौ बोखारदों। बे पर्टेलआ दा हिन्दी आरो इंग्रजाजों लोगोसे मोन 22 जायगायारि रावफोरवल'मोननो हाया, नाथाय हादतनि बाँसिन हिन्दी रायज्लायाग्र हान्जाफोरखौ नोजोर होनानै मन्थि बिफाननि वेबसाइटखौबो आबुडेहिन्दी खालामनाय जादों। मदि सरकार पन्चायत थाखोसिम जौगानायनि गोख्रैथिखौ गोख्रै खालामनो नाजाबाय थादों। बे लामायाव गोबां आगानफोर लानाय जादों। बे समावनो, पन्चायती राज मन्थि बिफानआ गुबुन गुबुन सावरायनाय हाबाफारिफोराव फिनजाथाय मोनदोंमोन दि, पन्चायत जौगाखों

हाबाफारिफोरखौ आपलड खालामनो थाखाय अनलाइन पर्टेल इ-ग्राम स्वराज बानायनाय जादों आरो गामि पन्चायत जौगाखों बिथांखिया इंग्रजा रावआव। मानोनो बाँसिन पन्चायत थाखोनि सुबुं थान्दैफोरा इंग्रजा बुजिया, बेनिखायनो बिबोरनि सोनारनाया मावख'आरि एबा गुबुनफोरनि सायाव थायो। बेबादि थासारि याव जौगालु बिथांखिफोराव गामियारिफोरनि बाहागो लानायखौ बां'होनो थाखाय सरकारनि नाजानाया मोनसे गिदिर हँथा ह्मदानो हादों। पन्चायती राज नेहाथारि भिबेक भारद्वाजआ बुंदोंमोन दि, सरकारा हादतनि रावआरि रोखोमथायखौ लोगोआव लाफानानै जौगालु हाबाफारिफोरखौ सिगार्थि लांनो लुबैदों। नेहाथारिआ फोथायो दि, हादतआव बयनिखुइबो मुंदांखासिन लिंकआ हिन्दी राव, बेनिखायनो हिन्दीआव मोनसे वेबसाइट थानाया पन्चायतफोरजों सोमोन्दो थानाय फोरमायथिखौ मोनसे गिदिर थाखोनि थाखाय गोख्रैलैयै मोननो हानाय खालामगोन। बेफोर

रावफोराव पर्टेल हिन्दी, इंग्रजा, पान्जाबी, तामिल, तेलुगु, गुजराती, उड्डिया, कन्नड, मलयालम, बांग्ला, माराठी, असमिया, उर्दु, नेपाली, संस्कृत, बड', डोगरी, मैथिली, मणिपुरी, कश्मीरी, कॉकणी आरो सान्थाली दड। मातृभूमि बिथांखिनि जाफुसारनायनि बिबानखौ गामि पन्चायत सहायकफोरनो होनाय जादों। जिल्ला पन्चायती राज मावख'गिरिया बेनि सोमोन्दै मोनसे बिथोन फोसावदोंमोन। बेबादि थासारियाव, पन्चायत सहायकफोर खौ बेबादि सुबुंफोरखौ सिनायनो बिबान होनाय जादोंमोन, जाय बे बिथांखिनि सिडव गामिनि जौगानायाव बाहागोआरि जानो लुबैयो। बयनिखुइबो बाँसिन नोजोर होनाया बै सुबुंफोरनि सायाव जाय दा नोगोर एबा गुबुन हादतआव थाफैदों, नाथाय बिबोरनो गावसोरनि गामिनि थाखाय माबा मोनसे मावनो लुबैदों, बे बिथांखिया बेबादि सुबुंफोरनि थाखाय मोनसे प्लेटफर्म महरै खामानि मावगोन।

आयुष्मान भारतआव आरोबाव सावस्त्रि पेकेज दाजाबदेरनायनि थाखथियारि

गोदान दिल्ली, 13 अक्टबर: सरकारा 70 बिसोर आरो बेनि बाँसिन बैसोनि गासैबो

सोमोन्दो गोनं। बिथांखि जागायनायनि उनाव बेबादि मुलाम्फा मोनग्राफोरनि

थिसनजानायावो आथिखालनि बिथांखिनि सिडव फँयो। बियो गोरिब, गेजेर थाखो,



सुबुंफोरनि थाखाय सावस्त्रि कभारैज जागायनो थियारि जानायजों आयुष्मान भारत प्रधान मंत्री जन आरय्य यजना (एबि-पिएमजेवाइ) नि मावफुंग्रा एजेन्सि हायुंआरि सावस्त्रि बिगोमा (एनएएए)आ बैसो जानायफोरनि थाखाय आरोबाव सावस्त्रि पेकेज दाजाबदेरनायनि गोनाथिखौ बिजिरगामिनो दड। मावख'आरि सुलुड बुंदोंमोन दि, बारायनाय बिथांखिखौ बे दाननि जोबनायथि जागायनो हागौ। बेजों फ्राय 4.5 कौटि नख'रफोरनि 6 कौटि नोगोरारिफोर मुलाम्फा जागोन। सावस्त्रि मुलाम्फा पेकेजनि सायाव थिरांथा लानाय कमिटिआ गोबां सावस्त्रि पेकेजफोर दाजाबदेरनायनि गोनाथिनि सायाव सावरायगासिनो दड, जाय जर'खायै जेरियाट्रिक जोथोनजों

अन्जिमाया बांगोन। बे बिथांखिया आथिखालाव सरासनस्त्रा मुलि, सार्जारि, केन्सार आरो कार्डियल'जि बायदि 27 सावफाहामारि जर'खाफोराव 1,949 सावफाहामारि आदबफोरखौ लाफानानै गुवारै कभारैज होयो। देहा फाहामसालि सिबिथाय, मुलिफोर (देहा फाहामसालिनि फ्राय हगारनायनि उनाव 15 साननि थाखाय मुलि), डायग्नोस्टिक सुबिदाफोर (मुं थिसननायनि सानथाम सिगार्थिसम), मुलाम्फा मोनग्राफोरनो जाग्रा आदार आरो थानायनि सिबिथायफोरखौ बेसेन नाडजासे होनाय जायो। अल्जाइमार आरो डेमेन्शिया बायदि माखासे गोसोआरि सावस्त्रि थासारिनि थाखाय देहा फाहामसालियाव

आयुष्मान भारतनि फारि लाइजों लोगोसे जायखिजाया देहा फाहामसालियाव 5 लाख राँसिम बेसेन नाडै फाहामथायनि थाखाय आरजाथाव जागोन। 1 सेप्टेम्बरसिम, बे बिथांखिनि सिडव 12,696 सोरखारि नडिदेहा फाहामसालिफोरजों लोगोसे गासै 29,648 देहा फाहामसालिफोरखौ फारिलाइ खालामनाय जादों, जायखौ 33 राइज्यो आरो जुथाइ हायुं आवथाफोराव बाहायनाय जादों। आथिखालाव बे बिथांखिखौ दिल्ली, अडिषा आरो बेंगलआव बाहायनाय जायाखै। आधार कार्डनि बायदिल्ला, 70 बेसोर एबा बेनि बाँसिन बैसोनि जायखि-जाया सुबुड बे बिथांखिनि सिडव आर'ज गाबनो हागोन।

(1 बिलाड़निफ्राय)

भवानिपुराव श्रीमन्त शंकरदेबनि जोनोम सान फालिदों

मावनयनि सायाव थांखि जानाय बुंथिगिरि महरै बिबुंथि लाखियो श्रीमन्त शंकरदेब संघनि हारिमुवारि हान्जानि सोद्रोमा मूगेन कलिता आरो जर'खा समाज सिबियारि पल्लबी शइकियामोनहा। हराव खुंनय शंकरो हारिमु दिन्थिनय आरो दँखो हाबाफारिखौ भवानिपुर बिधान सभा बियाबनि एमएलए फनिधर तालुकदार बेखेवना होयो। 11 अक्टबरखालि सानाव थासारिखौ साखोन-सिखोन सिबस्त्रांनय, बिफां फुलि गायनाय, बिमा आरो लाइमोन सिखलाफोरनि घषानाम बादायलायनाय खुंनय जायो। मोनाबिलियाव आलारि बाथि फोजोंनायनि उनाव मोसानाय हाबाफारि खुंनय जादों। हराव नहाटीनि शंकरो हारिमु संघनि बान्जायनायाव पंकज कलितानि बान्जायनायाव आबु भावथिना 'जाल'खौ दिन्थिनय जादों। फारसेथि दिने साननि समाव बिमा-आइजोफोरनि नाम-आर'ज, मोनाबिलियाव आलारि बाथि फोजोंनाय जादों। जायनि उनाव हराव हांखायजानाय नाम हान्जानि गेजेरजों नागारा नाम दिन्थिनय जायो। जारिमिनारि भवानिपुर सत्र, कलबारी बिरनाम हारिमुवारि संघ, सरुपेटानि सापारबरी नामघरयावबो श्रीमन्त शंकरदेबनि जोनोम सानखौ खुंनय जादों। लोगोसेनो सालबारि माजरसुपा, उजान बासबारि, कालपानीयावबो गेदेर हाबाफारिजों श्रीमन्त शंकरदेबनि जोनोम सान खुंनयनि खौरं मोननाय जादों।

चर्ना बाजारव 64थि श्रीश्री लक्ष्मी फुजा खुंनो लाहार-फाहार

गाहाइ गेट बेखेवनाय, संग्रा थावनि, श्रीश्री लक्ष्मी फुजानि मावखुलि, फालांगि मेल, फुजा मन्डपनि दर बेखेवनायनि उनावनो श्रीश्री लक्ष्मीनि मुसुखा गायसनाय जागोन। अरयसम आलारि बाथि फोजोंनाय, फुजा सिबिथाय, नागाराना दिन्थिनय बायदि हाबाफारि खुंनय जागोन। 17, 18 आरो 19 अक्टबरव भागबत फरायथिनय, दिहानाम बादायलायनाय, आलारि बाथि फोजोंनाय, खुगा मेथाइनि गौमा, हांखायजानाय फावथिना हान्जानि गेजेरजों फावथिना दिन्थिनय, दुलियानि हारिमु दिन्थिनय जागोन। हाबाफारि बायदिथै 20 अक्टबरखालि सानाव भागबत फरायथिनय, फरायसाफोरनि गेजेराव सौनाय-फिननाय आरो सावगाारि बादायलायनाय खुंनय जागोन। बेलासिनि 4:00 रिंगानिफ्राय बाराग' बिजिरगिरि बिनय कुमार शर्मानि आफादगिरि मासि सामलायनायाव खुंजानो गोनं गेवलां मेल आरो गोसोखां लाइसि बेखेवनाय मेलखौ आसाम सरकारनि केबिनेट मन्थि रन्जित कुमार दासआ बेखेवना होगोन। मेलयाव आलारि बाथि फोजोंगोन ना बिबानगिरि ड० सन्जय शर्माआ। गोसोखां लाइसिखौ बिटिआरनि गाहाइ मावफुं सोद्रोमा प्रमद बर'आ बेखेवना होगोन। मेलयाव बजालिनि भत्तदेव मुलुगसोलोंसालिनि भाइस चेन्सेलर ड० धनपति डेकाआ गाहाइ आलासि महरै, बिटिआरनि कक्लाबारि बियाबनि एमसिएलए मन्तु बर', फाहागिरि-लिरगिरि डा: अन्जनज्यति चौधुरीआ माननि आलासि महरै जर'खा लिरगिरि ड० धृबज्यति शर्मा, जर'खा समाज सिबियारि डा: सैलेन शर्मा, गुण गोनं फोरोंगिरि मुस्त्रिमा रुपालि गस्वामि, बिजिरगिरि महेन्द्र कलिता, डा: निजरा देबीमोनजों लोगोसे माखासे जर'खा सुबुंफोरा आलासि महरै बाहागो लाफै गोन। मोनाबिलिनिफ्राय हारसिं मोसानाय बादायलायनाय खुंनय जागोन। लोगोसेनो उननि 21 आरो 22 अक्टबरव भागबत फरायथिनय, उजापालि दिन्थिनय, आलारि बाथि फोजोंनाय हारिमुवारि खुंनय जागोन होन्ना सुलुडाव फोरमायदों।

बाबा सिद्धीकीनि बुथारनाय जाथाय

हान्जाया गुलि गावना बुथारनाय। बाबा सिद्धीकीनि बुथारनाय जाथायनि सानै गुलि गावग्राफोरखौ आथिखालाव पुलिसआ हम्बाय। बुथारनायनि अजदयाव हम्बानाय सानै गुलि गावग्राफोरनि सिनायथिखौबो मुम्बाइ पुलिसआ फोसावना होयो। सासे शूटारनि मुंखौ कर्नाइल सिं आरो गुबुन सासेनि मुंखौ धरम राज काश्यप होन्ना फोसावदों। शूटार कर्नाइलखौ हारियागानि थागिरि होन्ना सिनायथिनायजों लोगोसे धर्मराजआ उत्तर प्रदेशनि थागिरि। सरासनस्त्रायै मोनसे सौंथि ओंखारदोंदि, बाबा सिद्धीकीआ दुथांफोरनि गुलियाव जायगायावनो जिउ गोमादोंमोन नामा? फारसेथि, फाहामसालिसिम लांनाय समसिमाव बिथाडा थाना दडमोन नामा? मख'नो गोनांदि, शनिबारखालि हरनि 9:30 रिंगयाव मुम्बाइनि केर नगराव थानाय सिद्धीकीनि फिसज्जा मावखुलिनि बाइजोयाव बाबा सिद्धीकीखौ बँथेनानै साथाम सुबुंफोरा गुलि गावदों। उनाव बिथांखौ लिलावती देहा फाहामसालिसिम लांनाय जादोंब्लाबो फाहामसालियाव फाहामगिरिया बिथांखौ जिउ गोमाबाय होन्ना फोसावना होदों। मुम्बाइ पुलिसआ मिबथिहोनाय बायदिल्ला, जाथायसालियाव गर 6 गुलि बोखानो मोननाय जादों। गुबैयै शूटारफोरा गर 6 गुलि गावदोंमोन बाबा सिद्धीकीखौ। बेनिनो गरनै गुलिया बाबा सिद्धीकीनि बिथायाव हाबलांदोंमोन। गुलि गावनाय साथाम शूटारफोरा खारखोमा लांना नोजानायवनो दशोरानी हाबाफारियाव थिसनजानाय पुलिसआ लोगो-लोगो सानै शूटारखौ ह्मो आरो सासे शूटार होंगो-दोंगोनि खाबु लाना खारखोमा लाडो। सिद्धीकीनि बुथारनाय जाथायनि सोमोन्दै लासै-लासै मोनसे गेदेर फोरमायथाया सोराडाव फैदों। हम्बानाय गुलि गावग्राफोर लरेन्स बिन्पय गंकजों सोमोन्दै दड होन्ना सोरगडाव फैनानयनि उनाव दिल्ली पुलिसनि जरखा सेलनि काउन्टर इन्टिलिजेन्स इन्टिआबो मुम्बाइ पुलिसखौ सुलाद लादों।

(1 बिलाड़निफ्राय)

असमीया रावआ जारिमिनारि बिमुं मोन्नायखौ लानानै हाबाफारि खुंगोन

समाजारि बिजोंनि गेजेरजों बे बाध्नाखौ फोसावना होदों। समाजारि बिजोडाव दिने गिबि मन्थिआ बुंदोंदि, थानाय 3 अक्टबरव गाहाइ मन्थि नरेन्द्र मदिनि आफादगिरि मासि समलायनायाव खुंनय मिरु केबिनेटआ हाबाफारि बायदिथै असमीया रावखौ क्लासिकेल राव महरै बिमुं-गनायथि होदोंमोन। बे जारिमिनारि बिमुंखौ खुंनो थाखाय आसामआ 3 निफ्राय 9 नभेम्बर 2024 सिम 'भाषा गौरव सप्ताह' हाबाफारि खुंगोन। बे जर'खा सप्ताहायाव मुलुगसोलोंसालि, फरायसालि आरो नोगोरारि समाजनि आफादफोरनि गेजेरजों 4 थि जौथायनिफ्राय जॉनि रावनि जौगाखों दावबायनायाव बायदि बिहोमा होनायजों बुंफबहोनाय असमीया थुनलाइ आरो पन्डितफोरनि बिहोमाखौ मान होनायनि थाखाय हाबाफारिखौ खुंनय जागोन। हाबाफारियाव गासैबो थाखोनि सरासनस्त्रा सुबुंफोरखौ गोसो गोबोंजों हेफाजाव होनो गिबि मन्थिआ खावलायदों। बिथाडा लोगोसे बुंदोंदि, राइज्योनि हारिमुवारि आरो राव जारिमिनारि फारसे बे गोनांथार बिमुं होनायनि थाखाय आसामनि सरासनस्त्रा सुबुंफोरा गाहाइ मन्थि मदिनिमिस गोसो गोबोंजों हामब्लायथि बावहरदों।

बजालिनि मेम्बरघाट बिमा दुर्गाखौ फोजाव हरनाय हाबाफारियाव नाव गेलेनाय बादायलायनाय खुंदों

3:00 रिंगानिफ्राय नाव गेलेनाय बादायलायनायखौ खुंनय जादों। पहमारा दैसानि मेम्बर गाथोननिफ्राय कटहबेरिसिम गासै 2 कि:मि: नाडै देसा लामायाव मोन 10 नाव गेलेनाय बादायलायनाय हान्जाया बाहागो लाफैदोंमोन। बेनि उनावनो नाव गेलेनाय सामलाय आफादनि बिबानगिरि शंकर तालुकदारनि आफादगिरि मासि सामलायनायाव मोनसे मेल खुंनय जादों। समाज सिबियारि दिपुल पाठगिरिआ सामलायनाय मेलयाव 30 रोजा रंजों सैथि जायगा मोनो 'मैशल बन्दु' मुनि नावआ उर्वसि तालुकदारनि गोसोखांथि बान्था मोनो। गुबुन फारसे, 25 रोजा रंजों नैथि जायगाखौ प्रतिकान्त तालुकदार गोसोखांथि बान्थाखौ 'शहनाज' मुनि हान्जाया मोनो हादों। बादायलायनायाव सांग्रॉथियारि रहा महरै एस्टिआरएफ आरो रेखाथि हान्जाजों लोगोसे जायगानि भलेन्टियारफोरखौ थिसनय जादोंमोन। हाबाफारियाव आसाम सरकारनि गागि केबिनेट मन्थि रन्जित कुमार दास, भवानिपुर बियाबनि एमएलए फनिधर तालुकदार, बजालि जिल्ला पुलिस बिबानगिरि अगारान बसुमतारि, सरुपेट थिभनिउ सार्केलनि सन्तश नाथमोनजों लोगोसे जर'खा सुबुंफोरा आलासि महरै बाहागो लाफैदों।

रुपही, आनान्द बाजार, निमुवा, गर्बधना बायदि जायगायाव खुंनय बिमा दुर्गानि मुसुखाखौ फोजाव हरबाय

दैसायाव फोजाव हरो। गुबुन फारसे, जर'खा महरै खुंनय फुजा सिबिथाय हाबाफारिनि अन्गायै आध्यात्मिक थासारिनि गेजेराव खुंनय बाक्सानि सिकादलनि सुदेम देरा रौदुब बाथी आस्रम आफादआ रुपही दैसायाव बिमा दुर्गा देबीनि मुसुखाखौ फोजावहरो। मख'नो गोनांदि, बर' हारिनि हारिमुजों साननै नाडै खुंनय दुर्गा फुजाया सान-हर समावनो दोरोडरि बाथी आर'ज गाबनानै बिमा दुर्गा देबीखौ बर' हारिनि 'दख'ना गानहोनानै षष्ठीनि सानखालि बेदीआव गायसनाय जादोंमोन। दुर्गा देबीनिमिसिम बर' हारिनि ब्रह्मनान बर' रावजों मोन्थोर फरायथिनानै फुजा सिबिथाय बावनानै कीर्टन बिजाबखौ बर' रावसिम सोलायनायजों बर' रावयाव कीर्टन फरायथिनानै बर' रावजोंनो हौवा-आइजोफोरा दुर्गा बन्दनाखौ बर' हारियारिनि खाम, सिफुं, सेजा, ज्यता दामजुफोरनि रिखांनायजों सिबियारिफोरा बिमा दुर्गाखौ बिदाय होयो। गुबुन फारसे, गर्बधना, माधवपुर, पाटेमाबाद साहा बागान, कालपानी बायदि ओन्सोलयावबो सान 5 नाडै दुर्गा फुजा फोबोंखौ खुंनानै दिने बिजया दसमी समाव बिमा देबीखौ फोजाव हरो।

चिरांनि बासुगावयाव गंथाम दुर्गा फुजा

मन्डपयाव गिबि मन्थि ड० शर्माआ दावबायफैदों

फारसे दावबायलाडो। दावबायनाय जागायजेनायनि सिगं गिबि मन्थि ड० शर्माआ साफ्रोमखौबो दुर्गा फुजानि साबायख'र बावदों। बेनि गेजेरावनो खौरंगिरिफोरा सिदली बिधान सभा बियाबनि उफ्रा बिसायख'थिखौ लानानै सौंथि दिखानायाव गिबि मन्थिआ बिबुंथि होनायनिफ्राय जानगाराव थायो। फारसेथि, महाअष्टमीनि गोथार सानाव फुजा सिबिथाय बावनोसो साफ्रोमखौबो खावलायो। मख'नो गोनांदि, बिटिसि रड दुर्गा फुजा लांगोनानि आद्रा जानानै थानाय कालि मन्दिर लुनानयनि थाखाय 10 लाख रॉनि अन्सुथाय होनायनि बाध्नाखौ फोसावना होनायाव जर'खायै दुर्गा फुजा आफादनि आफादगिरि, धोरोमगिरि-समाज सिबियारि प्रबीन नारायण देबआ गोजोन्नाय फोरमायनानै साबायख'र बावयो। फारसेथि हाबाफारिनि समायना आरो जाफुंसारै खुंनो सामलायनाय दँखो गिरि-फोरोंगिरि जुटी शर्माआ बयजोंबो मोजां मोनजानो हादों।

गिबि मन्थि ड० हिमन्त बिश्व शर्माआ कक्राझाराव बिमा दुर्गानि सिबिथाय लाफैदों

गिबियावनो कक्राझारनि ग्रिन फिल्डयाव बागलाय फैनानयनि उनाव कक्राझारनि बर बाजारव थानाय जारिमिनारि दुर्गा मन्दिरव दावबायफैनाय बिमा दुर्गानिसिम आर'ज सिबिथाय लायो गिबि मन्थि ड० हिमन्त बिश्व शर्माआ। बेनि उनावनो सुभाषपलि सार्वजनीन फुजा मन्डप, सान्तिनगर फुजा मन्डप, गौरनगर फुजा मन्डप आरो डिपत रड फुजा मन्डपआव दावबाय फैनानै बिमा दुर्गानि बोर लायो। कक्राझारनि मोनबा फुजा मन्डप नायसंफैनाय गिबि मन्थि ड० हिमन्त बिश्व शर्माआ बयनिमिसिमबो दुर्गानि साबायख'र बावनानै खौरंगिरिनि मोनसे सौंथिनि फिननायाव गिबि मन्थि सासेआ गुवाहाटीयावल्' थायालासे दरफ्रोमबो राइज्योनि राइजो-रजाफोरजों खौसे जानाया रोखा होन्ना मख'यो। थानाय लकसभा बिसायख'थियाव बाध्ना होनाय बायदिथै कक्राझाराव बिमा दुर्गानि बोर लानो फैदों होन्ना फोरमायनानै कक्राझारनि दुर्गा फुजानि मन्डपफोरखौ नायगिदिनानै गोजोन्नाय मोन्दों होन्ना मख'यो आरो आध्यात्मिक गोजोन्नाय मोन्दों होनानैबो बिथाडा मख'दों। बेनि अन्गायैबो बिमा दुर्गाआ बयखौबो जाहाथे गोरोबलायनायनि थासारिखौ लाखियो आरो साफ्रोमखौबो जाहाथे बोर सारसिमो बेनि थाखायबो आर'ज गावदों होन्ना गिबि मन्थि ड० शर्माआ मख'दों। मख'नो गोनांदि, फुजा मन्डप नायगिदिनाय समाव गिबि मन्थिखौ बिटिसिनि गाहाइ मावफुं सोद्रोमा प्रमद बर'आ हेफाजाव होदों। फारसेथि गिबि मन्थिजों सेफिल लानो मोनफ्रोमबो फुजा मन्डपफोराव सिबियारि राइजो-रजाफोरा होंगो-दोंगो जादों। कक्राझाराव फैनानै बिमा दुर्गानि सिबिथाय लाफैनायनि थाखाय गिबि मन्थि ड० हिमन्त बिश्व शर्मानिसिम बिटिसिनि गाहाइ मावफुं सोद्रोमा प्रमद बर'आ साबायख'र बावदों।

बिमा दुर्गानि मुसुखा फोजाव हरनायजों सरुपेटानि 99थि दुर्गा फुजा फोर्बोआ थुंगेबाय

ढल, शंख, बरकाह दामनायनि रिखांनाय आरती दिन्थिनयजों गोमखांहोना लामा हान्जा सुरनाय हाबाफारि खुंदों। लोगोसे गासै 5 कि:मि: ओन्सोल नाडै लामा हान्जा सुरनानै सरुपेटानि साखाथि पल्ला हाथायाव फैनानै राइजो-रजाफोर दोरोडरि खाथिजों पल्ला दैसायाव बिमा दुर्गानि मुसुखाखौ फोजाव हरो। मोनाबिलियाव आलारि बाथि फोजोंनाय हाबाफारिखौ जनजाति आरो अन्साय बिफाननि आँजिब मोनाय बिथोनगिरि, दँखो गिरि भबानी प्रसाद शर्माआ बेखेवना होदों। जौसांखौ बेखेवना होयो फावथिनागिरि, फावखुंगुर निरमल दासआ। फावखुंगुर निरमल दासआ फावथिनायि सावरायनायखौ दिन्थिनयजों लोगोसे ज्यतिप्रसाद आगरबालानि मुगानां खन्थाइखौ फरायथियो। लोगोसेनो बान्था गथायनाय हाबाफारिखौ खुंनय जादों। हराव खुंनय हारिमुवारि हाबाफारिखौ भवानिपुर बिधान सभा बियाबनि एमएलए फनिधर तालुकदार बेखेवना होयो। हारिमुवारि हाबाफारियाव दँखो गिरि प्रबिन बरया दँखो रेजाबना दिन्थिदों। लोगोसेनो भवानिपुर बिधान सभा बियाबनि सिडव थानाय पुरत भवानिपुर, माधपुर, धुमारपुर, गलीया, माधवपुरवबो सानबानि हाबाफारिजों दुर्गा फुजा फोबों खुंनया दिने बिमा दुर्गानि मुसुखाखौ फोजाव हरायजों थुंगेयो।

गाहाम देहानि राहा

इन्फेक्सन जानाय आरो गोदोनायाव थाबथानाय मोन्नाय बायदि जेनाया तुलसिनि बिलाइजों गोजान जायो

न'नि खामसालियाव गायनाय तुलसिआ धोरोमारि गोनांथिनि अनगायै आयुर्बेदआवबो बेखौ देहानि थाखाय मोजां मानिनाय जायो। सानफ्रोमबो तुलसिनि बिलाइखौ जायोब्ला सुबुंआ माखासे बेरामनिफ्राय रैखा मोननो हायो। बेबायदियाव फैं जों तुलसि बिलाइखौ जायोब्ला मा मा गुणखौ मोनो हायो बेखौ मोनथिया लानि।



(1) हां हगारनायाव मोनामनाय : तुलसिनि रन्नाय बिलाइखौ बेसरनि थावजों लागायनाय हाथायखौ साखोन-सिखोन खालामोब्ला हां हगारनाय एबा खुगानि मोनामनाया जानगार जायो। बेनि अनगायै तुलसि बिलाइखौ अरिलयोब्लाबो पायरिया चाइदि जेनाखौ जानगार खालामनो हायो।

(2) गोदोनानि थाबथा थाबथा मोन्नाय : गोदोनानि थाबथा थाबथा मोनामनायखौ जानगार खालामनो थाखाय तुलसि बिलाइखौ काढा आरो सरबद बायदि बानायनानै लोडोब्ला मोजां मोनो।

(3) हां जानायाव

जेना सोमजिनाय : बेरे मोदे, हाइजे आरो तुलसिखौ लागायनानै बानायनाय काढा एबा सरबदखौ लोडोब्ला ब्रन्काइसि, दमा, कफ जानाय आरो गंगा मोन्नायनिफ्राय रेहाय मोनो। संख्रि,लं आरो तुलसिनि बिलाइजों बानायनाय काढाया इफ्लुएन्जाआवबो रेहाय होयो। तुलसिआ थैयाव कलेस्ट्रुलनि थाखौखौ दावखलायहोनानै बिखानि बेरामखौ जानगार खालामनायाव मदत होयो।

(4) जिं गा : तुलसिजों जिं गा सिनायाव भुगिनांग्रा बेरामिफोरा गुण मोन्नो हायो। तुलसिनि

'भेट्टेयन' सावथुननि थामथि साननि कालेक्सनआ बांदों

सु पारस्टार

रजिनिकान्त आरो अमिताभ बच्चननि सावथुन 'भेट्टेयन'आ बक्स अफिसआव मोजां अपेनि खालामदों मोन। गोबाव समनिफ्रायनो सानैजों जयै मोनसे फ्रेमआवबो खामानि मावनायनि सावरायनाया सोलिबाय थादोंमोन, नाथाय आथिखालाव 'भेट्टेयन' सावथुनजों आबुं जाबाय। 33 बोसोर उनाव बिसोर सानै सुपारस्टारआ जयै नुजाथिदों। भेट्टेयन सावथुनआ टिकेट उइन्द'आव मोजां स्पेन्स मोनो हादों। अमिताभ बच्चन आरो रजिनिकान्तआ जोबथा खेब 1991 माइथायाव मोनसे सावथुनआव नुजाथिदोंमोन। अदेबानि दा 33 बोसोर उनाव फिन खुनसेबाव सानैजों जयै नुजाथिफैफिनबाय। टिजे ग्रानभेलनि गेजेरजों



दिहुनजानाय एक्सन ड्रामा सावथुन भेट्टेयनआ गेनाखान्थि आरो क्राइमनि सायाव दिन्थिनाय सावथुन। बेव रजिनिकान्तआ पुलिस अफिसारनि रलआव नुजाथिदों आरो अमिताभआ एनएइसआरसि, बिजिगिरि छ सत्यदेब ब्रद्यत्त पान्डेनि फावआव दड। भेट्टेयन सावथुनआव कन्याकु मारि

जिल्लानि एसपि अधियानआ मुंदांखा एनकाउन्टर स्पेसिएलिस्ट महरै दिन्थिदों। बिथाडा टेकनिकि स्पेसिएलिस्टबो आरो सुबुंफोर बिथांखौ अन्नानै भेट्टेयन मुंजोंबो गाबज्रयो। बिथाडा सरकारनि स्कुलाव ड्रामनि साप्लाइ जानाय अजद थिसनफैनायाव बेनि सायाव नायबिजिरो। बे नायबिजिनायावबो बिथांआ छ

सत्यदेब ब्रद्यत्त पान्डेजों लोगो मोनलायो, जायनि फावखौ अमिताभ बच्चनआ प्ले खालामदों। बे स्ट्र कन्टेन्ट गोनां सावथुनआ साननैआवबो बक्स अफिसाव 50 कौटि रानि

अन्जिमाखौ बारलांदोंमोन। रिलिजनि थामथि एबा शनिबारखालि सावथुननि आरजिनायाव 8.75 जौखोन्दो बांनया नुनो मोन्दों। बेजों सावथुनि गासै कालेक्सनआ 100 कौटि रानि साखाथिसिम सौहेबाय। भेट्टेयन सावथुनआ 10 अक्टूबरआव रिलिज खालामजादोंमोन। बबेखानि 11 आव जिगरा सावथुन आरो बिक्कि बिद्या का वो वाला भिडिअ सावथुनआबो रिलिज जादोंमोन। जिगरा सावथुनआ आलिया भट्टनि ट्रिलार ड्रामा सावथुन। भिक्कि बिद्या का वो वाला भिडिअआ रजकुमार रवनि कमेडि एन्टरटेनार सावथुन।

फावखुंग्रि हेमा मालिनिया 'शले' सावथुनआव बसन्ती जानो थाखाय खोथा दोन्दोंमोन



'शले' सावथुनआ भारतीय सिनेमानि मोनसे कल्ट सावथुन, जाय जाफुंसारनायनि गोदान खुन्थिया गायसन्दोंमोन। रिलिजनि 50 बोसोर उनावबो शले सावथुनआ सावरायबाय थाजायो आरो सानफ्रोमबो बेजों लोब्ला थानाय बाध्रया सोरडव फैंयो। डाइरेक्टर रमेश सिप्पिजों दिहुनजानाय बे सावथुनआव धमेन्द्र, अमिताभ बच्चन, सन्जिव कुमार, हेमा मालिनि, आमजाद खान आरो जया बच्चन बायदि फावगिरिफोरा गहाइ बिफाव होदोंमोन। नाथाय नोंथांमोनहा मिबथिगोना शले सावथुन खालामनो थाखाय फावखुंग्रि हेमा मालिनिया मेकार्सफोरनि सिगांआव मोनसे खोथा दोन्दोंमोन। लिगिरि सलिम खान आरो जाबेद अख्तरनि जरानि कलमजों सट्टे समायना सल' आरो फावआ ओंखारदोंमोन। बेनि गेजेरव मोनसे आबुआ तांगे वालि बसन्तिनिबोमोन, जायखौ हेमा मालिनिआ जोबो मोजाडैनो दिन्थिदोंमोन। सावथुननि रिलिजनि 49 बोसोर उनावबो हेमानि बे फावखौ जोबोर गोसोखानाय एबा सावरायनाय जायो। आइएमडिबिनि रिपर्टनि बायदिब्ला, सावथुनआव तांगे वालिनि दिन्थिनो थाखाय फावखुंग्रिआ तांगा सालायनो रेंनाय जानांगोमोन, जेराव हेमा मालिनिया सालायनो रेंआमोन। बेनि थाखाय बिथांआ डाइरेक्टर रमेश सिप्पिखौ बुंदोंमोनदि, नोंथांआ सिगां जोंनो दिन्थिग्रो जे तांगाखौ माबोर सालायो आरो उनाव बिथांआ हेमा मालिनिनो तांगा सालायनानै दिन्थियो, बेनि उनाव फावखुंग्रिआ शेलआव गावनि रलखौ मोजाडैनो दिन्थियो। बेबायदिनो हेमा मालिनिआ शलेनि बसन्ति जानो हादोंमोन। गावनि एक्ट केरियारनि गेजेरजों हेमा मालिनिआ डाइरेक्टर रमेश सिप्पिजों लोगोसे माखासे मोजां सावथुनफोरवबो खामानि मावदों। शलेनि रिलिजनि 3 बोसोर सिगां हेमा मालिनिया फावखुंग्रि हिस्साबे रमेशनि सावथुनसिता आरो गिताआवबो नुजाथिदोंमोन। बे सावथुनआव मोनसे सिन दिन्थिनाय जादोंमोन, जेराव हेमाआ फांखानि गोजौआव थाबथानानै थानांगोमोन। बे फावखौ दिन्थिनायाव फावखुंग्रिआ गावखौनो साहस गैये बायदि हमदांदोंमोन।

राजकुमार रवआ बावैसो सिगां मोनसे बाध्रा सावरायनायाव माखासे बाध्रा मिबथि होदों



उन्दै समाव बिमा-बिफाजों बुजानाय एबा लोमोफोरजों बुलाय-सोलाय जानाया सरासनसा बाध्रा जायोमोन। नाथाय जुदि सोरबा सासे गथ'आ बुलायनायनि गेजेरव मोखांवा दाबु होन्ना बुडोब्ला, हमदांनो हायोदि इयुनआव बे गथ'आ फावगिरि जागोन बेबायदिनो माखासे 'स्त्रि 2'नि सावथुनि फावखुंग्रि राजकुमार रवआ खालामदों। स्कुलआव लोमोफोरजों बुलायनायनि गेजेरव बिथांआ बुंदोंमोनदि, मोखाडव दाबु होन्ना। मोखाडव माबाफोर दागो नांजानो मानो गियोमोन बेखौ बावैसो सिगां राजकुमार रवआ मोनसे मोगा-मोगि सावरायनायनि गेजेरजों मिबथिहोदों। स्त्रि 2 सावथुननि

उनाव राजकुमार रवआ फिन खेबसेबाव भिक्कि जानानै गिदिर परदायाव नुजाथिफैफिनदों। बिथांनि बे सावथुनआ सिनेमाहलफोराव आलिया भट्टनि सावथुन जिगराजों सौग्रावलायदों एबा बादायलायदों। बावैसो सिगां जेब्ला बिथांखौ सोंलु सौनाय जादोंमोनदि, बिथाडाथ' फावखुंग्रि जाबाय, अब्ला बिथांनि थाखाय गावनि मोखांखो जोथोन लानाया बेसेबां गोनांथि जाखो? अब्ला बिथाडा फिन्नायाव बुडोदि, जेब्ला आं फावखुंग्रि नडामोन, बै समाव माखासे गोनांथि बाध्राफोरखौ मिबथियामोन, बै समाव जेखि मोना मानो जायोमोन। नाथाय दा मिबथिबाय

अब्ला, गोदे जानो लुबैब्लाबो बांदाय जानो हाल। एसेल' जानानै थायो। उदैं बुंजासे जेबो जानो मोना। जेब्ला फावखुंग्रि जायाखैं मोन, अब्ला थारैनो जिउआ आलादामोन। महर मोखांखौ जोथोन लायामोन, नाथाय जानायाव जेबो होबथानाय गैयामोन। मिबथि होनाय जायोदि, राजकुमार रवनि थाखाय 2024 माइथायनि जागायनाया जोबोद मोजां जादों। बिथांनि गिबि सावथुन 'शिकां' अ' नायगिरिफोरनिफ्राय गोबां अन्सायनाय मोन्दों। फार्सेथिं स्त्रि 2 सावथुनआबो बक्स अफिसाव दोहौ सोमजिहोदों मोन। बेनि अनगायैबो बिथांनि थामथि सावथुन भिक्कि बिद्या का वो वाला भिडिअ आबो थानाय सानाव रिलिज जादोंमोन। बेबो गिबि सानआवबो 5 कौटि रानि अपेनि खालामदों। सावथुनआ गिबि सानआव बक्स अफिसाव मोजां आरजिदोंमोन। नाथाय नायनो गोनां बाध्रया बेनोदि, फैंगो समाव बे सावथुनआ बेसेबां मोजां दिन्थिनो हायो।

'संतोष' सावथुनआ अस्कार बान्थानि थाखाय नमिनेट जादों



वेव सिरिज 'पन्चायट'आव क्रांति देबि आरो 'गुल्लक'व बिट्टु बिमानि फावजों मुंदांखा जानाय सुनिता राजवारआ गुबुन फावखौ नायगिरिगासिनो दड। बिथांनि 'संतोष' सावथुनखौ गुबुन हादतनि रावनि थाखोआव अस्कार बान्थानि थाखायबो दैथायहरदों। स्मिता श्रिवास्तबआ सुनिता राजवारजों बिथांनि केरियार आरो फैंगो प्रजेक्टनि थाखायबो सावरायदों। बियो सासे आर्टिस्टनि दावबायनाय वेव दावखोलाय-दावखलायलायआ जाबाय थाखायो। बेयो दावबायनायनि एबा दावगालानायनि सम। हरखाबै माखासे बेसादफोर जयै हिट जायो आरो नोंथांआ बांसिने

नोजेराव फैंयो। गुल्लक आरो पन्चायटआ बांसिन अन्सायनाय मोन्नो हादों। स्त्रि सावथुनआव मोनसे सिनआ सावरायजादोंमोन, नाथाय बेनि सिगांबो सुबुंफोर मिबथिखायोमोन। अदेबानि आथिखालाव जेनाया बेनोदि, जैरें नोंथांनि खामानिया हिट जायो अब्लासो रलखौ मोन्नो नागिरो। आथिखालाव बाध्रया बेनोदि, आंहा माखासे प्रजेक्टफोरखौ नेवसिनांगसिनो दड। गोबां सुबुंफोरनो आंखौ बिट्टु बिमानि एबा क्रांति देबि बायदि फावखौ खालामजानो लुबैदों। बेनि बिथोनगिरिआ ब्रिटेन आरो बेनि कारिस्ट'खौ मुकेश धाबडाआ मोगथां महर होदों। आंसो सावथुननि डाइरेक्टप संध्या पुरियाआ मिबथि होदोंमोनदि,

दिव्या घल्लाआ 'जिगरा' सावथुनखौ लानानै दान्थे-बिदान्थे खालामनायाव करण जौहरआ रिक्वट होदों

भसन बालानि दिहुननाय सावथुन 'जिगरा'आ सिनेमाहलफोराव रिलिज जाबाय। रजनि उनाव आलिया भाट्टआ फिन खेबसेबाव गिरि परदायाव एक्सननि फाव दिन्थिदों। बे सावथुनआव आलियाजों लोगोसे भेदांग

रेनाआबो लिड रलआव दंफायो। आलियाआ सावथुनआव लिड रल होनायजों लोगोसे करण जौहरजोंबो जयै बिथोन होफादों। गोबाव समनिफ्रायनो बे सावथुनखौ लानानै सावरायनाया सोलिगासिनो दडमोन आरो जेब्ला सावथुनआ



रिलिज जायो, अब्ला बक्स अफिसाव बेनि कालेक्सनखौ लानानै दान्थे-बिदान्थेआ जागायनो हमो। मुंदांखा फावखुंग्रि दिव्या घल्लाआ दशेहरा सानखालि 'जिगरा' सावथुनखौ नायनो थानांमोन आरो सिनेमाहलफोरखौ खालि एबा लांदां नुनायनि जाहोनाव आलिया भाट्टनि सायाव फेक कालेक्सन मिबथि होनायनि थाखाय सोंखारिदों। बिथांआ थिएटरनिफ्राय मोनसे सावगारि शेरार खालामनानै केंप्सनआव लिरेदोंदि, आं सिफि मल पिभिआव 'जिगरा' स्व'नायनो थाखाय थानांमोन। थिएटरआ गासिबो खालिजोबमोन।

गासिबो जायगानि थिएटरफोर खालिजोब आलिया भाट्टआ थारैनो जोबोद जिगरा दड। गावने टिकेट बायनानै फेक कालेक्सन एनाउन्स खालामदों। गोमोथावना जे पेड मिडियाआ मानो सिरियै दड। बे जों लोगोसेनो दिव्याआ हेशेट्याआव लिरेदोंदि, जों आडियन्सफोरखौ मुख' बानायनो नाडा। दिव्यानि बे पस्टनि उनाव करम जौहरआ इनस्टाग्राम स्टोरियाव मोनसे क्रिप्टिक पस्ट शेरार खालामदों, जाय फावखुंग्रिनि फार्से इशारा होदों। पस्टआव 'जिगरा' सावथुननि बिथोनगिरिआ लिरेदोंदि, सिरि थानायनो मुख'फोरनो

होनायनि बयनिखुइबो साबसिन स्पिच जायो। करण जौहरनि पस्ट होनायनि उनावनो दिव्याआबो फिन इनस्टाग्राम स्टोरियाव मोनसे क्रिप्टिक पस्ट शेरार खालामदों। फावखुंग्रिआ पस्टआव लिरेदोंदि, सैथो एबा थार बाध्रया मुख'फोरखौ जेब्लाबो जिं गा सिहोयो। दिव्या आरो करणनि गेजेरव इशाराजों बेबायदि दान्थे-बिदान्थे जानाया अन्साइगिरिफोरनि नोजोरखौ बोगासिनो दड। 11 आक्टूबरखालि सिनेमाहलफोरार रिलिज जानाय जिगरा सावथुनखौ माखासे नेटिजन्सफोर साभिनि कपि होन्ना मिबथि होयो। सेकनिक्कनि बादिब्ला, 'जिगरा' सावथुनआ नख'रारि बक्स अफिसाव गिबि सानाव 4.55 कौटि रानि फालांगि खालामदोंमोन आरो नैथि सानआव 6 कौटि रानिसिम कालेक्सन खालामदों। सावथुननि गासै कालेक्सनखौ 11 कौटि रानि होन्ना मिबथि होनाय जादों।

बाबा सिद्धिकीनि इफ्टार पार्टिआव सावथुन मुलुगानि माखासे सेलेब्सफोराबो बाहागो लायोमोन

महाराष्ट्र सरकारनि गागि मन्थि बाबा सिद्धिकीनि थैनायजों राजखान्थियारि कारिदरव दोहौ सोमजिदों। बाबा सिद्धिकीखौ शनिबारखालि मोनायाव गुलि गावदोंमोन। बेनि उनाव बिथांखौ लिलाबति देहा फाहामसालियाव थिसन्नाय जादोंमोन। बेवहाय फाहामथाइ लाबाय थानाय समावबो बिथांनि जिउ गोमायो। दैदेनगिरि जानायजों लोगोसे बाबा सिद्धिकीआ बलिउड स्टारफोरजोंबो खाथि सोमोन्दो दंमोन। बिथांआ बोसोफ्रोमबो



इफ्टार पार्टिखौ फालियोमोन, जेराव पलिटिकेलनि सुबुंफोरजों लोगोसेनो माखासे बलिउड आरो टथि मुलुगानि माखासे स्टारफोरबो बाहागो लायोमोन। बि टाउन सेलेब्सनि गेजेरव

बाबा सिद्धिकीनि इफ्टार पार्टि खुं'फु'नाया सोलिबाय थायोमोन। बोसोरफ्रोमबो खुं'फु'जानाय इफ्टार पार्टिआव बाबा सिद्धिकीनि आंगो लोगो सलमान खानआ जेब्लाबो

बाहागो लायोमोन। ससेल मिडियाआव बाबा सिद्धिकीजों लोगोसे जयै खुबोनाय माखासे सावगारिफोरा दड। बाबा सिद्धिकीखौनो सलमान खान आरो शाहरुख खाननि सुथुरखौ फोजोबनायनि क्रेडिट होनाय जायो। 2008 आव केटरिना कैफनि जोनोम सानाव सानै स्टारफोरनि गेजेरव दान्थे-बिदान्थे जादोंमोन, अब्ला बा बोसोरसिम सानैजों रायज्यायलायाखैमोन। 2013

आव गावनि इफ्टार पार्टिआव बाबा सिद्धिकीआ सानैनि गेजेरव मिलायलायहोयो, बेनि उनाव सलमान खान आरो शाहरुख खानआ फिन लोगो जाफिनो। बाबा सिद्धिकीनि बे इफ्टार पार्टिआव सलमान आरो शाहरुख खाननि अनगायैबो माखासे सुबुंफोरबो बाहागो लायोमोन। बिथांनि स्पेसियेल लोगोआव सन्जय दत्तनि मुंआबो दंफायो। सन्जय दत्तनि बिफा सुनिल दत्तआ बाबा सिद्धिकीनि मोजां लोगोमोन।

